

2
1
A R S
G V B E R N A N D I

Compendio scripta

P E R R . P .

F . I O A N N E M
A I E S V M A R I A ,

Carmelitam Discalceatum

Calaguritanum,

*Congregationis S. Eliae Praepositum
Generalem.*

Congruit vniuersis, qui quouis
nomine gubernant .




R O M A E ,
Apud Iacobum Mascardum .
M D C X I I I .

SUPERIORVM PERMISSV .

Imprimatur, & videbitur Reuerendiss.
P. Mag. Sacri Palatii Apost.
Cæsar Fidelis Vicesg.

Imprimatur,
Fr. Thomas Pallauicinus Bonon. Mag.
& Reuerendiss. P. F. Ludouici Ystella
S. Pal. Apostolici Magistri socius Or-
dinis Prædicatorum.



IN OMNIBUS
LIBRARIIS
M. C. X. I. I.

SAUER. ORAM. PERMISSA.

ILLVSTRISSIMO
AMPLISSIMOQ. D.
D. CARDINALI
BURGHESIO.

Fr. Ioannes S.



IDERIS
mihi, Car-
dinalis Am-
plissime,
partem maximam orbis
terrarum suppositis in-
nixam humeris gestare;
quippe qui inter purpu-
ratos Senatores, proxi-
mus ades Pontifici Ma-
ximo dignus tanto Prin-
cipe nepos. Erit ergo è

Rep. vt qui ad Ecclesiæ
gubernādæ consortium
singulari Dei prouiden-
tia videris accitus , in
promptu habeas Artem
Gubernandi selectis cō-
cinnatam consilijs , &
paucis nō sententijs mo-
dò , sed & verbis com-
prehensam, vniuersisq. ,
qui quouis nomine præ-
sunt, consultò destina-
tam . Humanitas adsit
mihi tua , vt scriptum
hoc compendiarium ,
quod absq. functionum
grauissimarū decremen

to, lectitari potest, tibi
nuncupari æquo animo
feras; tametsi ferre vix
possis, quod in dedica-
torijs epistolis usu per-
crebuit; vt merita tua
eximia recenseam: quod
quidem officium lubens
prætereo, cum perspe-
ctum sit, perquàm raras
animi tui dotes, quas
mundus penè vniuersus
habet exploratas, epi-
stola vna quantumuis
prolixa, vel tenuiter de-
libari non posse. Cedo
equidem præclarissimis

toribus, quas Deus pro-
uehat Clementissimus :
quem precor unixè ,
Amplissimi Cardinalis
Burghesij virtus per an-
nos plurimos cælestibus
auxilijs cumulata , & se-
cundis successibus aucta
procurrat.

LECTORI.



ERAT animus,
selecta consilia,
imperio destina-
ta perspicuè, bre-
uiterq. digerere.

Non huc intexo præceptiones
propriæ, quæ ad singula gu-
bernationis genera pertinent;
neque enim pontificiam, re-
giam, monasticam aliasuè re-
giminis species, sed vniuersalia
pietatis, ac prudētia, aliarumq.
virtutum capita tradere con-
stitui, quæ omnibus, qui præ-
sunt, facilè congruant. Vtor
gubernatoris nomine, quod
Pontifices, Prælatosq. omnes
Ecclesiasticos, Imperatores,
Reges, Prætores, & vniuersos,
qui quouis nomine gubernant,

communi significato comple-
ctitur. Spero autem, doctrinam
scripti huius eam esse, quæ altè
concepta conferre possit, non
ad genus modo, sed ad ipsas
quoque præfecturæ species,
quod perspicax Lector expen-
dat. Scriptum in partes discreui
quinque: in prima prænotiones
tres planè necessarias, in secun-
da consilia ad exordiū, & pro-
gressum gubernationis apposi-
ta, in tertia selecta nonnulla,
quæ meritum benevolentiam,
& nominis claritatem guber-
natori conciliant, in quarta
gubernatoris dotes siue virtu-
tes, in quinta exhortatione in-
reposui: omniaq. S. R. E. cor-
rectioni submissi. Clementissi-
mus Deus Scriptoris vota in
commune bonum collimata
secundet.



INDEX.

*Pars I. De tribus gubernationis
prænotionibus .*



GUBERNATIO
*triplex , & quæ
nam optima .*

Cap. I. pag. 1.

*Gubernatio bona
non tam ex ge-*

*nere, quàm ex veris virtuti-
bus censenda. Cap. II. 3*

*Gubernatio bona diuinæ legi cõ-
gruit. Cap. III. 5*

X. quædam prænotiones

Pars

I N D E X.

*Pars I I. De selectis consilijs ad
exordium & progressum
gubernationis appositis.*

D*Ei sapientia initio poscen-
da. Cap. I. 8*

Affectus repurgandus. Cap. II.

10

Animi sub initium conciliandi.

Cap. III. 13

*Tanquàm inter aequales agen-
dum. Cap. IV. 15*

*Dissimulandum, si non omnes
acquiescant. Cap. V. 18*

*Subditorum ingenia principio
exploranda. Cap. VI. 20*

Subditi priuatim monendi.

Cap. VII. 22

*Rationes humanae diuinis admi-
scendae. Cap. VIII. 24*

Irati placandi. Cap. IX. 27

Mæsti exhilarandi. Cap. X. 28

I N D E X.

*Ante correptionem animi demul-
cendi. Cap. XI. 31*

Sape parcendum. Cap. XII. 33

Punitio differenda. Cap. XIII.

35

Abutentes venia plectendi.

Cap. XIV. 36

Criminum rei cadendi. Cap. XV.

38

*Leuiores multa consultò dissimu-
landa. Cap. XVI. 39*

Populo satisfaciendum.

Cap. XVII. 40

*Qua agēda sunt non faciliè præ-
nuncianda. Cap. XVIII.*

43

Abusus extirpandi. Cap. XIX.

44

Boni mores inducendi. Cap. XX.

46

*Consiliarij p̃ij ac prudentes ascen-
scendi. Cap. XXI. 47*

I N D E X.

Pars I I I. De selectis nonnullis, quæ meritum, beneuolentiam, & nominis claritatem gubernatori conciliant.

N Vlla personarum acceptio.
Cap. I. 50

Munerum repulsa. Cap. I I. 51

Audientia facilis. Cap. I I I. 53

Grauiorum reservatio. Cap. I V. 54

Grauiorum demandata cura. Cap. V. 56

Salubrium monitorum acceptio. Cap. V I. 57

Iusta operariorum merces. Cap. V I I. 59

Iudicium alijs delatum in subditorum postulatis. Cap. V I I I. 61

I N D E X.

Nulla subditorum oppressio .

Cap. I X. 62

*Nulla mandata rationi dissen-
tanea. Cap. X. 64*

Otiij prohibitio. Cap. XI. 66

*Prefixa vanis sumptibus meta .
Cap. XII. 68*

*Peculiaris familiae cura .
Cap. XIII. 69*

*Vindicta, ubi quis in gratiam
gubernatoris peccat. Cap. XIV.
71*

*Causarum perquisitio. Cap. XV.
73*

*Rerum inanium ludicrarumq.
reiectio . Cap. XVI. 74*

*Adulatorũ depulsio. Cap. XVII.
75*

*Susurri auersatio. Cap. XVIII.
77*

*Gratie mortalium contemptus .
Cap. XIX. 79*

I N D E X.

Singularis amoris fuga. Ca. XX.

80

*Ministrorum insolescentium re-
pressio. Cap. XXI.*

82

Verba minimè contumeliosa.

Cap. XXII.

83

Bonorum virorum amicitia.

Cap. XXIII.

85

*Pars IIII. De selectis boni
gubernatoris do-
tibus.*

D *Ei timor & cultus. Cap.*

87

Insignis doctrina. Cap. II.

89

Fida memoria. Cap. III.

91

Bona coniectura. Cap. IV.

92

Circumspectio. Cap. V.

93

Maturitas consilij. Cap. VI.

94

Di.

I N D E X.

Diligentia. . . Cap. V I I.

96

Providentia. . . Cap. V I I I.

97

Imperium animi. . . Cap. I X.

98

Temperantia. . . Cap. X.

100

Castitas. Cap. X I. 101

Iustitia. Cap. X I I. 104

Misericordia. . . Cap. X I I I.

104

Legum custodia. . . Cap. X I V.

106

Studium pacis. . . Cap. X V. 108

Constans animi firmitas .

Cap. X V I. 110

Gratitudo . Cap. X V I I.

112

Comis grauitas. Cap. X V I I I.

113

Decorum . Cap. X I X.

114

Amor


I N D E X.

Amor in subditos . Cap. X X.

116

*Pars V. Exhortatio ad eos,
qui præsumunt.*

FINIS.



PARS PRIMA.
DE TRIBVS
GVBERNATIONIS
PRAENOTIONIBVS.

*Gubernatio triplex, & quam
optima. Cap. I.*



RES omnino gu-
bernationis for-
mas philosopho-
rum principes
discreuere, Mo-
narchiam, vnius
scilicet principatum, Aristo-
cratiam, regimen videlicet op-
timatum, democratiam, po-
puli nempe totius imperium:
quæ quidem formæ solent in-
terdum permisceri. Monarchi-
cam verò gubernationem esse
omnium perfectissimam, scri-

Plato in
Politi-
co.
Arist. 1.
3. Polit.
c. 5. &
8. Ethic.
c. 10.

Philo.
de cōf.
liugua-
rum.
S. Iusti-
nus in
exhort.
ad gen-
tes.
S. Cy-
prianus
de Idol.
vanit.
Chryso-
hom. 34
in ep. 1.
ad Cor.

ptorum omnium Hebræorum,
Græcorum, Latinorum consen-
sus est, quæ ratione multiplici
astruitur. Primum quidem ex
ipsa generis humani institutio-
ne: non enim ex humo pariter
Deus virum & foeminam, sed
hanc ex illo produxit, ut mo-
narchiam conderet. Inter ho-
mines quippe plures ex humo
simul productos, nec ab vno ge-
nus ducentes, non ita perspi-
cua monarchica gubernatio à
Deo instituta, & aristocratica,
democraticaq. prælata crede-
retur. Mox idem liquet ex He-
bræorum Rep. ubi monarchi-
eam gubernationem, vti opti-
mam proculdubio, Deus insti-
tuit, quod ex Mosis, Iudicum,
Regū, ac Ducum succedētium
principatui palam euincitur.
Denique idem asseritur ex pro-

prietate multiplici, quæ optimæ gubernationi congruit; siue enim Reip. ordo, siue pax, siue robur, siue stabilitas, quatuor scilicet optimi principatus proprietates spectentur, extra controuersiam est, monarchica gubernatione, qua efficitur, ut omnes vni subsint, vnius iudicio se dedant, vires omnes in vnum caput conferant, factionesq. præcaueant, felicius omnia succedere, quam si à pluribus, quorum sententia vix coalescunt, imperiū generetur.

Gubernatio bona non tam ex genere, quam ex veris virtutibus censenda.

Cap. II.

Quemadmodum aristocratia in oligarchiam, siue

paucorum factionem, & democratia in seditionem; ita monarchia in tyrannidem degenerat, ubi pietas, & æquitas pessundari cœperunt. Proportionem verò seruata, inter tria vitia triplici gubernationi aduersa, tyrannis pessima, ut inter peccata, Dei odium amoris diuini ut actui nobilissimæ virtutis infestum, deterrimum est. Et quidem, licet monarchicus principatus non semper adeo corrumpatur, ut in tyrannidem exorbitet, solet tamen imprudentia, neglectu, incogitantiaq. vitari, propriaq. integritate detrita, ab statu natiuo velut abduci, quod alijs gubernationis generibus simplicibus, aut mixtis accidere, nemo Reip. consultus est, quem prætereas. Ergo, vti quis recte

gubernet, non regiminis genere, sed ijs virtutibus, quæ vitia gubernationis excludant, nitatur oportet. Quocirca non mihi in vario genere expendendo, comparandoque cunctandum; sed agendum, ut quocumque tandem genere, qui præsit, norit plurimos prudentiæ, aliarumque virtutum modos, quibus officij partes queat explere.

Gubernatio bona diuina legi con-
gruit. Cap. I. I. I.

Politici, qui iam eo nomine malè audiunt, bonam gubernationem duobus in capitibus, quæ cum lege diuina aperte configunt, constituere solent, in religionis nempe neglectu, & proximorum dam-

no ; vt quoties ad parandam ,
tuendam , vel amplificandam
ditionem , lucrum , vel hono-
rem , eis quicquam appositum
videatur , non magni pendant
diuinæ legis transgressionem ,
vel proximorum iniuriam . At
quàm sit delita hæc mortalium
opinio , hac efficacissima ratio-
ne conficitur . Ratio qua Deus
hominum genus gubernat , om-
nino bona , & ad imperandum
mortalibus opportuna est : no-
uit quippe Deus , quibus mo-
dis hominum animi ad hone-
stum flectendi sint . Cùm ergo
Deus lege diuina , duobusq. in
primis præceptis homines mo-
deretur ; nemo adeò desipiet ,
vt eum regendi modum homi-
nis ingenio congruentissimum
non censeat . Si ergo ad regen-
dos homines is modus duplici

amore subnixus, ac proinde ab iniuria Dei, proximique abstinens, appositissimus est; quis ita ineptiat, ut gubernationem ullam credat bene institui, aut prosperari posse, quæ legem amore Dei, proximique comprehensam, lucri, voluptatis, vel honoris gratia aspernetur, vel tenuiter curet? Profectò ratio hæc una multis politico-ruum argumentis nequit euerti, planeq. peruenit, neminem vnquam bene præfuisse, qui legis diuinæ observationem lucris, honoribus, voluptatibus non anteferet. Quapropter, qui bene imperare cupit, duobus in cardinibus amoris in Deum & proximos Remp. verteret, nauabitq. operam ut omnem Dei iniuriam & proximorum damna propulset.

PARS SECUNDA.
DE SELECTIS
CONSILIIS,
ad exordium, & progressum
gubernationis appositis.

Dei sapientia initio poscenda.

Cap. I.



PRIMA boni gubernatoris cura, precatio, & sacrificium est, ut celesti sapientia cumuletur, qui rem tentat multis difficultatum scopulis prætextam, quæ absque ope diuinæ feliciter nequit absolui. Sensit hoc Salomôn, qui ne quid in- auguratò faceret, sic Deum præcatus est : *Ego sum puer paruulus, &*

3. Reg.
3.

*ignorans egressum, & introitum
meum . Dabis ergo seruo tuo cor
docile ; ut populum tuum iudi-
care possit , & discernere inter
bonum , & malum .*

*Hæc Salomonis prima cura fe-
licissimi principatus fuit origo,
quod è subiectis verbis euinci-
tur :*

*Placuit ergo sermo coram Do-
mino ; quòd Salomon ~~non~~ po-
stulasset huiuscemodi rem . Et
dixit Dominus Salomoni : Quia
postulasti verbum hoc , & non
petisti tibi dies multos , nec diui-
tias , aut animas inimicorum
tuorum , sed postulasti tibi sa-
pientiam ad discernendum iudi-
cium : ecce feci tibi secundum ser-
mones tuos .*

Et paulo post :

*Sed & hæc , quæ non postula-
sti , dedi tibi , diuitias scilicet ,*

& gloriam, &c.

Grauitèr ergo seducitur, qui politica sollicitudine anxius, incertè mortalium prouidentia innixus, officio sibi credito se credit posse honestè perfungi, nisi Dei sapientiam primum exquirat. Quòd si opes, gloriamq. appetat, præposterus ordo est, neque ex voto res ea succedit, nisi prius sapientia iustitiæ assertrix postuletur, cui opulentia, & claritas nominis adnascitur. Dei ergo sapientia primum deprecanda est.

Affectus repurgandus.

Cap. I I.

QUÌ affectu impuro Reip. tanquàm nauis procellis iactatæ clauo, privati boni stu-

dio manum admouet, cursum
minimè dirigit, verùm in sco-
pulos eam impinget; vt ceteris
demersis, ipse præmeditatus, è
naufragiò alienas opes diripiēs,
velut infidus nauclerus in sca-
pham defiliat, & in littus erum-
pat. Affectus porrò purus exi-
stimandus, cum Dei gloria, po-
puliq. salus, absque priuati bo-
ni intuitu, expetitur, quod al-
tè imprimendum est. Sane
Moses numerosi populi rex am-
plam felicioris principatus, ac
proinde auctioris gloriæ, opu-
lentiæq. pollicitationem acce-
pit, dum acerbam populo de-
tractori necem Deus minaretur
in hæc verba:

*Vsq. quò detrahet mibi popu-
lus iste? Quousque non credent
mibi in omnibus signis, quæ feci
coram eis? Feriam igitur eos*

Num.
14.

pestilentia, atque consumam: te autem faciam principem super gentem magnam, & fortio rem, quam hac est.

Ecce promissio regni felicio-
ris: & tamen Moses propriæ fe-
licitatis immemor, ratus cla-
dem populi, Aegyptiorum in-
terpretatione, in dedecus diui-
næ maiestatis cessuram, ferre
non potuit, quod ab Aegyptijs
obijciendum prælagiebat:

*Non poterat introducere po-
pulum in terram, pro qua iura-
uerat: idcirco occidit eos in soli-
tudine:*

Sic in preces incumbens Deū,
ut iræ gladium districtum re-
conderet, exoravit, & cum di-
uinæ gloriæ studio populi salu-
tem connexuit, ut patet è su-
biectis Dei verbis:

Dimisi iuxta verbum tuum.

In hunc modum affectus re-
purgandus est, vt gubernatio
priuati boni appetentia mini-
mè vitietur, & cælestibus au-
xilijs aucta procuret.

Animi sub initium conciliandi.

Cap. I. I. I.

N Equit. bene præesse, qui
non imperat animis: cor-
pora quippe coacta, animis in-
terim auersantibus imperium,
nec fideliter, neque diu parent,
sed valido renisu obedientiæ
repagula perrumpunt. Quapro-
pter animos primùm boni gu-
bernatores sibi conciliant ipso
præfecturæ ingressu, quod mo-
destia, verborum dulcedine,
modum suauitate, promissis, mu-
neribusq. obtinetur, vt per se
compertum, ac experimentis

creberrimis probatum est. Con-
fert ad rem hanc subditorum
adhortatio, & animorum deie-
ctorum erectio, qualis illa Da-
uid :

2. Reg.
3.

*Confortentur manus vestrae,
& estote filij fortitudinis: licet
enim mortuus sit dominus vester
Saul, tamen me unxit domus
Iuda in Regem sibi.*

Quibus certè in verbis taci-
ta quædam tuendæ gentis pro-
missio inest; cui si accedat fida
custodia, expletaq. pollicitatio,
miris incrementis gubernator
augetur, vt patet ex illo:

2. Reg.
3.

*Facta est ergo longa concerta-
tio inter domum David, & inter
domum Saulis: David proficiens,
& semper se ipso robustior, do-
mus autem Saul decrescens quo-
tidie.*

Obseruandum hinc è primo

guberna-

gubernatoris orsu subditos concipere sensum, quem vix unquā deponant, timoremq. principio incussum tragicam ruinam portendere. Potuit certè, debuitq. Roboam ipso in regni primordio animos deuincire miti responso, vbi populus imperium Salomonis grauissimum leniri postulauit: at durè respondit, & infaustum exordium populi defectio excepit. Ergo animi sub initium conciliandi sunt.

3. Reg.
12.

Tanquàm inter aequales agendum. Cap. IV.

Maiestas inuisa, humanitas grata, mortalibus est, meritoq. scriptum:

Rectorem te posuerunt & noli extolli: esto in illis quasi unus ex ipsis.

Ecclesi.
10.

Maieſtas timoris, humanitas amoris ; genitrix iure appellatur: atque idcirco, qui bene imperant, in humanitatem verbis, actibusq. propendent, ut vulgò inter æquales verſari videantur. Sic Paulus, cùm ſcriberet Romanis in hæc verba :

1. Rom.
1.

Deſidero videre vos ; ut aliquid impertiar vobis gratiæ ſpiritualis, ad confirmandos vos.

Quæ quidem verba magiſterij grauitatem olere videbantur ; ſtatim, ne quid grande iactaſſe crederetur, ſic ſeipſum interpretatus eſt:

Ideſt ſimul conſolari in vobis per eam, quæ inuicem eſt, fidem veſtram, atque meam.

Quaſi planius ita effaretur: Scripſi, velle me vobis aliquid inſtructionis impertiri, non ſanè quòd ipſe me vobis præfe-

ram ; sensus ergo meus est, op-
tare me vobiscum familiariter
agere, vt velut æquales mutua
fidei ostensione recreemur. Ce-
terum Christi post lotionem
pedum discipulos admonentis
exemplum efficacissimum est.
Nimirum ait :

Vos vocatis me, Magister, &
Domine : & bene dicitis, sum
etenim

10. 13.

Quibus ex verbis planè de-
duci potuit, debere discipulos
demissius multò agere, quàm
ipse fecisset : & tamen, velut
æqualis intulit :

Si ergo ego laui pedes vestros
dominus & magister : & vos de-
betis alter alterius lauare pedes :
Ergo qui præest, velut æqualis
agat, nisi vbi ratio ipsa graui-
tatem exigit, & quodammodo
extorquet, quæ certè doctrina

ad flectendos animos vim habet immensam.

Disimulandum, si non omnes acquiescant. Cap. V.

Boni gubernatoris est, omnium captare beneuolentiam, ut omnes flectat ad honestum: ferre verò patienter, dissimulareque, si non omnes applaudant: processu quippe temporis dura pectora mulcebit. Profectò postquam Sauli acclamatum fuit, Viuat Rex, populusq. ab Samuele dimissus domos proprias reperciuit; non euestigio vniuersi acquieuerant, sed, ut facit textus habet:

Abijs cum eo pars exercitus, quorum tetigerat Deus corda. Et iij verò Belial dixerunt: Nū saluare nos poterit iste & despe-

1. Reg.
10.

xerunt

*xerunt eam, & non attulerunt
ei munera: ille verò dissimula-
bat se audire.*

Profuit verò simulatio; nam
paulò post vniversus Israel mi-
ro concursu. Saulem in bellum
subsequitur, sicut scriptum est:
Et egressi sunt quasi vir unus.
Et quidem tunc Saul piè,
ac prudenter egit, vt in exem-
plum profecti queat, cùm vi-
tæ puritate niteret, consilioq.
diuino regeretur, nondumq.
desipere cœpisset: præterquam
quòd doctrina hæc à bonis
Prælatiis, Principibus, Præ-
toribus, & quouis nomine
Præfectis passim exercetur, vt
opportuna simulatione de sub-
ditorum animis, antè rigenti-
bus, postea flexis illustres vi-
ctorias referant, quarum exem-
pla etatè quoque nostra mini-

1. Reg.

11.

mè desiderantur, siue togam,
siue militiam, siue monachorum
claustra scrutemur. *Subditorum ingenia principio
exploranda. Cap. VI.*

Familiaris est ijs, qui pie ac
prudenter præsse cupiunt,
ingenia subditorum explorare;
ut quemque suauiter ducant;
neque enim militare animum
ciuilibus, neque civilem mili-
taribus exercitijs addicere sa-
pientis gubernatoris est. Hunc
philosophia, illum iurispruden-
tia, alium musica, natiuo quo-
dam voluptatis genere trahit;
velleque ingenia sic affecta aliorum
abducere, violentum præ-
fecturae genus est, quod bona
semina natura opprimit, fera-
cemque terram reddit effoetam.

Quocirca gubernator quisque non aliorum relatu modò, sed periclitatione propria subditorum propensiones internoscere cùret: & cuique functiones eas credat, in quas pronior, & expeditior est, ut Deo propensionum honestarum satori: congruat. Profectò Prælati minime pauci hac tempestate ex hoc capite laudem multam promerentur, & ingenia pro naturæ ductu expolientes, viros eximios apposita cultura procreant, quos Ecclesia honore dignissimos censet. Quinetiam ethnici ipsi hoc ingeniorum examen indicarunt, suaseruntq. ut liquet ex illor. consensu

Excudent alij spirantia mollius ara,
Credo equidem viros ducentes
una de marmore vulgus, non

*Orabunt alij causas, cœliq-
meatus*

*Describent radio, & surgen-
tia sydera dicent*

*Tu regere Imperio populos Ro-
mane memento, &c.*

Quasi poëta luculentius dice-
ret: Obeant alij functiones
alias pro ingenio quisque suo;
tu verò, Ciuis Romane, qui ad
imperium natus videris, impe-
rio assuesce.

Subditi priuatim monendi.

Cap. V. I. I.

FRequenti experimento com-
pertum est, communes ad-
hortationes cum priuatis con-
ferri non posse, si subditorum
instructio, vtilitasq. spectetur.
Ella quippe viuz vocis energia
non vaga, & indifferenter effu-

sa, sed ad vnum hominem per-
mulcendum, roborandum, vel
erudiendum intenta, efficacius
multò animum mollit, flectitq.
quò velis. Nimirum peculiaris
est amoris index, nemoq. aded
ferus est, qui se privato bene-
volentiae significatu tantillum
urgeri non sentiat, fiatq. ad
subdendum collum aliquantò
facilior, & ad correptiones, vel
monita mansuetior. Obserua-
uit hoc Apostolus, vt patet ex
illo :

Act. 20.

*Quoniam per triennium no-
cte & die non cessavi cum la-
chrymis monens unumquemque
vestrum.*

Quod Apostolicis viris altè
impressum est. Quinetiam
non viri Apostolici, vt Epi-
scopi, Monachorumque Præ-
lati solum, sed Principes quo-

que seculares, militumque du-
ctores eam doctrinam commu-
ni ductu prudentiam observant,
quæ sine graui communis boni
decremento negligi nequit. Ve-
rùm hic annotandum, priuata
monita, quæ nihil nisi blandum
præferunt, crebra esse debere,
nec indigere usque adeo expen-
sis verbis, aut sententijs: illa
verò, quæ ad inferendam cor-
reptionem destinata & proinde
aculeata videntur, multa esse
meditatione libranda, rarius-
que adhibenda, ne animos exa-
cerbent.

*Rationes humane diuinis admi-
scende. Cap. VIII.*

Optanda, sed non exigenda
est à populo, vel familia
summa perfectio, quæ à paucis

conquiritur, & à paucioribus paratur. Quocirca bonus, sapiensq. gubernator rationibus humanis plerumque conuestit, quod subditis mandat, licet impurum quid videatur, eiusmodi rationibus animos urgeri, quos Dei solius intuitu agi, foret honestius. Sic hominem gloriæ cupidū ad Dei cultum non ex sola rei honestate, sed ex adiuncta nominis claritate, quæ inde solet oriri, permouere viri prudentis est: experientiaq. constat, industriam hanc sæpe profuisse, non modò ut subditi res arduas impigrè aggrederentur, sed ut temporis processu affectum repurgarent, persequerenturquè rationibus diuinis innixi, quod humanis extimulati coeperant. Neque ideo doctrina hæc à viris Chri-

stianis respuenda, quòd ea homines Christi exortes familiariter vsi fuerint : scopus quipè studia discriminat . Illi scilicet profanè doctrinam vsurparunt , vt patet ex illo , qui gloria proposita femineum animum , sic ad sua vota flestebat :

*Ibis Dardanias ingens regi-
na per Vrbes :*

*Teque nouam vulgus credet
adesse Deam .*

Et ex illa , quæ virilem animum per simili scopo ita demulcebat :

*Quando erit , vt condas in-
star Carthaginis urbem ,*

*Et videas populos altus ab
arce tuos ?*

At scopus Christiani gubernatoris pius est , prudentiaq. ductrice subditorum ingenijs ,

& affectibus ad pietatem colendam utitur : quæ quidem observatione inepta coaptat , & deformata reformar .

Irati placandi . Cap. I. X.

Satis crebrò intemperantes , vel graviter affecti subditi non æquè ac decet , eos qui præsumunt , venerantur , verbisq. ac incompofitis motibus insolent : qui si obiecta maiestate asperè reijcerentur , peius ineptirent , persimilesq. eua-derent commoto mari scopulis illiso , atque recusso , ac proinde spumas agenti , strepituquè multo excandescenti . Hos ergo leniter accipere , suauitatequè multa delinire prudentis gubernatoris est , ut mitescant non absimiles mari , quod post-

quàm extumuit, ad mollis arenæ in lirtote iacentis tactum se se placido lapsu demittit. Rectè scriptum :

Prou. 15

Responsio mollis frangit irā: sermo durus suscitāt furorem.

Quocirca sapiens gubernator leniter respondet iratis, nequè illorum verba trutinat: dictitatq. subridens, credere se eos, vbi ira resederit, aliter opinaturos, & vnā fore omnium sententiam, interimq. satius esse rem differre, aliaq. id genus, quæ nequeunt certo numero comprehendi.

Mæsti exhilarandi. Cap. X.

Mœstitia, vbi populum, vel familiam inuasit, animos hebetat, & contrahit, corporaq. torpore multo retardat,

ne munia obeant, & expeditè obsequantur, atque adeò solerter præcauenda, vel depellenda est. Remedium præsentaneum esse solet lætus gubernatoris vultus, vt ex vna Dauidis post Absalonem cæsum liquet historia, in hæc verba:

Nuntiatum est autem Ioab, quod rex fleret, & lugeret filium suum: & versa est victoria in luctum in die illa omni populo, & declinavit populus in die illa ingredi ciuitatem, quomodo declinare solet populus versus, & fugiens de prælio.

2. Reg.
19

Ecce quàm efficax est vultus gubernatoris mœstus, qui exercitum parta victoria exultantem deijcit. Nouit hoc rei benè consultus Ioab, cuius admonitu rex deterfis lachrymis, exutaq. veste lugubri in publi-

cum prodiens, victorem populum expeditum, & alacrem mira celeritate conciuuit, sicut scriptum est:

3. Reg.
19

Surrexit ergo rex, & sedit in porta: & omni populo nuntiatum est, quod rex sederet in porta: venitq. vniuersa multitudo coram rege, &c.

Ceterum læto gubernatoris vultui ars quædam ad excogitandos inducendæ, augendæq. lætitiæ modos adiicienda est, qua plurimum excellunt Prælati numero pauci, quos spiritus instruxit diuinus, cuius capitalis inimica mœstitia est. Hi, vbi quempiam vel natiua, vel acquisita melancholia ægrum, vel fortuitò afflictum animaduertunt, peculiari cura ei adesse, solari, à laboribus quoad licet, eximere assue-

scunt,

fcunt, vt animus moeroris collectione discussa, ad virtutem colendam fiat expeditus, & alacer.

Ante correptionem animi demulcendi. Cap. XI.

CRauiter subditis nocet, qui parum prudenter correptionem infert : mox quippe ac animus aculeum correptionis exertum, nulloq. molli operimento cernit obrectum, contrahit sese ductu naturæ, quæ asperitatem horret. Quamobrem lenia primùm verba promenda, beneuolentiaq. amanter valde captanda, statimquæ adhibenda correptio : quæ tametsi dura, concepta iam amoris persuasione libenter, vel patienter saltem accipitur.

Doctrinā certē hanc Deus ipse luculento commendauit exemplo; cum Nathan Prophetam submisit, qui Dauidem ob adulterium, homicidiumq. corriperet. Propheta scilicet, ne Regem exasperaret, parabolam præmisit, qua saxa molliret; Regiq. molli laqueo parabolæ capto, hæc verba Dei nomine subtexuit:

2. Reg.
12.

Ego unxi te in Regem super Israel, & ego erui te de manu Saul, & dedi tibi domum domini tui, & uxores domini tui in sinu tuo, dediq. tibi domum Israel, & Iudæ: & si parua sunt ista; adiiciam tibi multo maiora.

Exordiū hoc melle dulcius est, quo feræ sæuissimæ mansuescerent; animoq. iam molli adhibetur correptio in hæc verba:

Quare ergo contempsisti verbum Domini.

Sic David conuictus, intimoque dolore correptus est, unde vox illa erupit, *Peccaui Domino.*

Peccaui Domino.

Hic fructus porro suauissimus maturæ correptionis est.

Sæpe parcendum. Cap. XII.

Quam sit prudenti, pioque gubernatori consentaneum, sæpe ignoscere, ex ipsa Dei providentia, qua mundum administrat, perspicui potest. Perspicitur quoque ex oraculo illo per Christum reddito :

Non dico tibi usque septies, sed usque septuagies septies.

*Matth.
18.*

Res planè comperta est, cui nemo refragetur, nisi, qui se mortalem, fragilemque non me-

minit : Vel ipsi ethnici naturæ
lumine ducti in hanc senten-
tiam, tanquam dijs suis confi-
ctis probatam conspirauerunt,
vt cecinit ille:

*Si quoties peccant homines ,
sua fulmina mittat*

*Iuppiter , exiguæ tempore
inermis erit .*

*Nunc ubi detonuit , strepi-
tuq. exterruit orbem ,*

*Purum discussis aëra reddit
aquis .*

Quibus in verbis illud ob-
seruatione dignū videtur, quod
Iuppiter inducitur territās ho-
mines, vt formidine coerceat,
quos punire nollet. Atra nubes
quasi Iouis irati subsellium,
pingitur, vnde horrendo cum
fragore, multiplici crepitu ful-
mina vibrat, rutilatq. per quos-
dam hiatus discissæ nubis, vt

aquas potius ruentibus, quam
floentibus mortales obuere
velle videatur: & tamen mox
sereno cœlo velut aridet. Ap-
positum sanè commentum,
quod bonis gubernatoribus
congruere, nemo inficietur.

Partitio differenda. Cap. XIII.

QUod Imperatores laudati
in expugnandis hostium
urbibus moluntur, ut iteratis
militaris disciplinæ versutijs
excidium, cædemq. procrastinēt,
deditionem expectantes,
hoc boni gubernatores in Rep.
familiaque conantur; atque
adeo non parciunt modo, quod
ad præcedentis capitis doctri-
nā spectat; sed ubi parcendum
non est, poenam, quoad fieri
pōest, prorogant, ne punien-

di cupidi videntur. Qua sanè
in re consentiunt. Diuinæ Ma-
iestati a qua vlciscitur serò, vt
iam in prouerbum abierit,
(Plutarchus sic librū inscripsit)

Sera Numinis vindicta.

Ratio suffragatur, nam si
poena properè irrogetur, infer-
tur plerumque damnum, quod
repensari nequeat: quod è ma-
turo vindictæ consilio non im-
minet. At non proinde pena
ita proroganda, vt licentia in-
gruat.

Abutentes venia plectendi.

Cap. XIV.

AB ineunte mundo familia-
re Deo fuit; prius bene-
facere, ingratos postmodum,
ac proteruos plectere. Quod
tum alibi, tum in parabola ser-

ui nequam perspicuè satis ostēdit, ybi hominem ingratum, immemorem indulgentiæ recenter acceptæ, grauitèr obiurgat in hunc modum :

Serue nequam, omne debitum dimisi tibi, quoniam rogasti me: nonne ergo oportuit, & te misereri conserui tui, sicut & ego tui misertus sum?

Matt. 18.

Hæc obiecit seruo ad iudicium reuocato, quòd clementia diuina abusus esset: & mox,

Tradidit eum tortoribus.

Ibid.

Hæc boni gubernatoris instructio est, decorusq. ordo, vt impensa, neglectaq. beneficia subsequatur ultio, cui viam ingrati animi sternunt, suoq. se gladio iugulant.

*Criminum rei cadendi**Cap. XV.*

Is, qui peccando sibi duntaxat nocent, facile ignoscere; de ijs verò qui multiplici crimine Reip. officiunt, penam sumere par est: nam venia, quæ Reip. perduellibus indulgetur, non clementiæ, sed iniustitiæ, ignatiæ, vel negligentiae tribuitur. Sic David:

Ps. 106.

In matutino interficiebam omnes peccatores terra: ut disperderem de ciuitate Domini omnes operantes iniquitatem.

Euigilabat scilicet, ut inopinos malefactores caperet, ac nece illorum urbem expiaret, quæ alioqui multis criminibus sorderet. Hæc Rex ille, qui cû mitissimus esset in eos, à qui-

bus

bus ei irrogabatur iniuria, se-
uerè in Reip. hostes animada
uertere consuevit.

*Leuiora multa consultò dissimu-
landa. Cap. XVI.*

EXpedit pleraq. leuia non
patienter ferre tantum, sed
ea velut incognita præterire,
ne gubernator occasionum vl-
triciſ iuſtitia caprator videa-
tur, fiatq. proinde inuiſus, vn-
de peiora contingant. Hinc ef-
ficitur, vt Prælati à prudentia
celebres, verbis artificioſè cõ-
poſitis, leuiorum culparum,
quarum conſcij ſunt, ignora-
tionem crebrò conſingant, tum
ne impunitas conſeſſa, ſed for-
tuita credatur, tum etiam ne
ſubditorum ceruicibus incum-
bere, & ab eis ſummuſ ius exi-

gere velle existimentur, quod animi subditorum horrent. Profectò Christus Apostolos rudes; imperfectosq; tulit, nec leues culpas, quas nonnunquã admittebant, exprobrare, seu pensitare consuevit, licet eos interdum suauissimè potius instrueret, quàm corripere: quod ex ipso euangelico textu perspicui potest.

Populo satisfaciendum.

Cap. XV. II.

E Venire solet, vt perturbatus populus suspitione vexetur, quæ alienet animos, dum auctoritate gubernatoris scelus aliquod perpetratum coniectat. Quo in euentu pij, ac prudentis gubernatoris munus est; suspicionem serio ali-

quo actu abolere, atque ita se gerere, ut omnino persuadeat, se culpa vacare. In hunc modum David, cum iniussu ipsius, Ioab, & Abisai interfecissent Abner præfectum militiæ Saul, quem honore afficere debuerant, solemni funere elatum, ac tumultatum fleuit, populumq; ad lachrymas permouit, iuravitq; ante solis occasum se fore ieiunium, ad sensum doloris, innoxij hominis morte conceptum exprimendum, quo quidem ludæ se necis auctorem non fuisse conuicit, ut ex his sacri textus verbis liquet;

Omnisq; populus audiuit, & placuerunt eis cuncta, quæ fecit rex in conspectu totius populi. Et cognouit omne vulgus, et uniuersus Israel in die illa, quoniam non actum fuisset à rege, ut occi-

2. Reg.
3.

deretur Abner.

Nocet, vel levis suspicio sinistra de integritate gubernatoris in vulgus illapsa: quocirca quantocyus expungenda est. Cauendum tamen, ne gubernator exosus irato populo seipsum obtrudat. Qua quidem in re Paulum imitari decebit, qui, cum Ephesiorum vulgus a quodam Demetrio concitatum aduersus Apostoli ipsius doctrinā vehementer clamitaret,

Magna Diana Ephesiorum;

Morem gessit discipulis, & nonnullis Asiæ principibus rogantibus ne se daret in theatrum, cum eius tanquā odiosi hominis præsentia, & adhortatio importuna, & periculosa videretur. Sic prudens gubernator ab intempestiua efferati populi admonitione abstinet,

alioq;

aliosq; submittit, qui, grati cūm sint, vulgus pacare studeant, donec ipse animos iam sedatos affari, ac permulcere queat.

*Quæ agenda sunt nō facile præ-
nuncianda. Cap. XVIII.*

V Ir sapiens non leuiter præ-
nunciat quæ agere consti-
tuit, cūm consilium mutare,
vel imperfectū opus relinque-
re, vel cœptum corrigere, ple-
rumque contingat: quo in-
euento triplici, satius est rem
non vulgasse. Accedit boni pro-
positi spes sæpe frustrata. Acce-
dit cautio, ne bona cœpta à
maleuolis intercidantur. Acce-
dit deniq; admiratio perfecti
operis velut repente nati. Sunt
& alia prudentiæ capita ad rē
hanc confirmandam opportu-

na, quibus efficitur, frequentius peccari lingua exerta, quàm cohibita. Ergo ubi res maturuerit, tempestiua detectio est: dum verò obnoxia est mutationi, prudentiùs reticetur.

Abusus extirpandi. Cap. XIX.

N Vllus ager adeò felix est, qui inter bonam segetem, carduos aliquot, loliumq; vel modicum non refundat, vt cultori opus sit, noxium terræ feracis partum reuellere, cauto, ne bonis feminibus officiat. Quocirca gubernator prudens, mox ac populi, familiæuè abusus deprehendit, animum appellit ad eos euellendos, cauertq; quàm serio potest, ne bonis moribus seueritate noceat. Atque ideo leuiter incipit illam velut

syluam senticosam apprehenderè, & à bonis plantarijs oculatè discernere, vt adhibito post modum conatu, illæso tritico zizania eradicet. Non ergo impetus sub initium faciendus, nō acriter perstrependum, sed suauitate multa animi permulcendi, vt vim postea factam; vel admotam quasi falcem patienter, vel etiam alacriter ferant. Profectò insignis prudentiæ argumentum est, populum familiamue in morem vnum diu incumbentem aliorum vertere, quasi dicas, fluuium aluco vno decurrentem aliò ducere: quod implorato Dei auxilio, adhibitoq; senum consilio tentandum est.

*Boni mores inducendi.**Cap. XX.*

Non hic consulitur legislatio, quæ, quò parcior, eò solet esse salubrior, sed modus quidam populum, familiamue ad pietatem, non tam verbo, quàm exemplo permouendi, quem pij ac prudentes gubernatores observant. Profectò Imperator, qui in Urbis obsidione versatur, cernitq; ad capiendam Urbem opus esse, syluam cædere; vel expleta fossa viam exæquare, non mandato, sed exemplo rem conficit, si tantum ipse primus excidat, vel accepto ligone terrâ effodiat. In hunc modum, qui bene præsumunt, dum morem aliquem bonum animis subditorum ingenerare cupiunt, taciti primùm

ipfi

ipsi rem auspicantur, eoq; ipso
populum ad rem eandem ve-
hemēter afficiunt, siue, de elee-
mosyna eroganda, siue de ho-
spitalibus domibus extruendis,
siue de tradendis nuptui virgi-
nibus, siue de spiritualibus
exercitijs frequentandis sermo
fiat: quod utinam Lector ex-
pendat.

*Consiliarij p̃ij ac prudentes
asciscendi. Cop. XXI.*

Qui Remp. familiam uē gu-
bernat, sæpe velut naucle-
rus inter Oceani vortices, cœlo
nubibus obducto, ventis sæuiē-
tibus, & imminente naufragio
anceps, inopsq; consilij hæret,
& quò se vertat ignorat. Sube-
unt cogitationes variæ, conje-
cturæ, suspiciones, multipli-
cesq;

cesq; animi motus; qui absq;
fido consiliario minimè sedan-
tur. Exquirendi ergo viri, quos
pietas prudētiaq; commendet:
nam si desit alterutrum, inte-
gritas ad consilium requisita
obtruncatur, cū pietas volun-
tatem, prudentia intellectum
instruat, & pars vtraque ad be-
ne consulendum coeat. . Quod
gubernatores laudati percallē-
tes, inculpato senes à consilijs
habere solent, senes ob expe-
rientiam prudentiæ parentem,
inculpato ob exemplum pie-
tatis ex vitæ candore ortum:
neque enim impura vasa purū
liquorem euergunt. Non defuit
Achitophel experiētia, adeoq;
consilij fama claruit, vt tanquā
oracula Diuina eius responsa
acciperētur, aiente sacro textu:

2. Reg.
6.

Consilium autem Achitophel,

quod

*quod dabat in diebus illis, quasi
si quis consuleret Deum.*

Defuit autem ei pietas, ut
liquidò perspicitur ex turpissi-
mis consilijs, quibus Absalonē
instruxit, ut pijssimum patrem
exturbaret à regno: atque
adeò arte, quam profitebatur,
captus est: nam cum ferre non
posset Chusai consilium suæ
sententiæ præferri,

Suspendiò interijt.

1. Reg.
6.

Ergo experti pijq; consilia
rij perquirendi.



PARS TERTIA.
 DE SELECTIS
 NON NVLLIS,
 quæ meritum, benevolentiam,
 & nominis claritatem
 gubernatori con-
 ciliant.

Nulla personarum acceptio.

Cap. I.



PERMVLTÆ gu-
 bernatori occur-
 runt, siue in defe-
 rédis honoribus,
 siue in muneri-
 bus distribuendis, in quibus in-
 tentio ab recto detorqueri, ani-
 miq; candor foedari potest oc-
 casione cognationis, amicitiae,
 vel affectus immodici, qui ultra
 metam rationis exultet. Qua-

pro-

propter omnia rationum momenta pensitanda, ut virtuti honor; ac munera congruant: isq; alijs præferendus, quem auctiora merita commendant. Qua sanè in re optimè de Rep. merentur, qui monitores, ac deprecatores importunos sic audiunt, ut nequaquam exaudiât, quod viros sapientes proculdubio decet. Profectò Salomon matrem quoque propriam pro Adonia precantem reiecit: Exemplarq; nostrum Christus Zebedæi filios primarum sediũ postulatores graui responso fregit. Sic bonus gubernator, ut idoneus meritorum expensor; inepta postulata repellit.

Munerum repulsa. Cap. I I.

[Nter corrupelas, quibus bonæ gubernationis forma foe-

datur, munerum recensetur acceptio, quæ animum emollit, & à recto æquitatis statu flectit, ut nimis tritum, ac vulgatum est. Quamobrem manus excutiendæ, ne inquinetur animus, quod obseruasse videtur Iob, incorruptus princeps, his verbis:

Iob. 31.

Si in manibus meis adhæsit macula; seram & alius comedat, & progenies mea eradicetur.

Imprecatur sibi, si eius culpæ reus sit, grande malum, quod serpat in posteros, tanquam subnotet, gubernatores indignos corrumpi muneribus gratia sobolis, quam locupletare gestiunt. Optandum, ut munera tanquam exitialia spicula animus extimescat, malitq; pietatis, ac iustitiæ cultu, quàm auro ditescere.

Audientia facilis. Cap. I I I.

Facilitas audienciæ commē-
datur; vt gubernator ame-
tur, dum subditos benignè ac-
ceptos, ac dimissos sibi cordi
esse demonstrat. Compertum
est quippe, difficultatem in hoc
genere prętextam populo, fa-
miliæq; ingratham accidere,
additis quærimonijs, quod non
pateat aditus ad eum, qui ex
officio eiusmodi labori obno-
xius est. Rem expendisse vide-
tur S. Ambrosius, de quo S. Au-
gustinus :

*Non enim vetabatur quisquā
ingredi, aut ei venientem nū-
tiari mos erat.*

Quòd si hęc nimia facilitas
conferatur, certè id saltem hoc,
exemplo conficitur, vt guber-

Lib. 6.
conf.
c. 3.

nator audientiæ postulatōres
non ægrè admittere debeat :
quæ quidem doctrina diuinæ
charitati, quæ gubernator de-
bet excellere, consentanea est :
præterquàm quòd Ethnici prin-
cipes politica dumtaxat ratio-
ne ducti, vt Philippus Macedo-
num Rex, & Vespasianus Impe-
rator, aliq. nonnulli neminem
ab audientia excludere consue-
uerunt.

*Grauiorum duntaxat, reser-
uatio. Cap. II V.*

NEgotia plurima, grauiaq;
ab homine vno quantum-
uis perspicaci, atque solerti vix
prudenter geri possunt: quapro-
pter boni gubernatoris est, re-
rum momēta perlibrare, alijsq.
credere, quæ ipse, vel minimè,

vel imperfectè conficeret. Erat
sanè Moses vir sapientia instru-
ctus diuina: & tamen cùm eius
cognatus lethro dies totos pro
tribunali sedentem, & à populo
circumdatus cerneret, ait: .291

*Quid est hoc, quod facis in
plebe? cur solus sedes, & omnis
populus præstolatur de mane
vsque ad vespèram?*

Ego. 18.

Et paulò post: .292

*Non bonam, inquit, rem facis:
stulto labore consumeris.*

Hec lethro: cui auditis, quas
prompsit, rationibus, Moses ac-
quieuit, constituitq. ministros,
qui, vt sacer textus habet, .293

*Iudicabant plebem omni tem-
pore: quidquid autem grauius
erat, referebant ad eum, faciliora
tantummodò iudicantes.* .294

Profectò gubernator, qui om-
nia quoque leuiora disquirere

pergit, imperfecti operis auctor est, & dum nihil exactè pertrahat, sibi cōstat inuidiam; quod nemini fidem habere videatur. Hinc efficitur, vt viri prudentes, qui supremè præsunt, inferiorum præsessorum actibus sese non obtrudant, quod laudati regiminis argumentum est.

Grauiorum demandata cura :

Cap. II. V. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

Grauiora interdum demandare opus est, ad quorum expeditionem perspectæ fidei, ac prudentiæ viri seligendi: quibus ampla impertienda facultas, vt pro arbitrato quoque suo, quæ in rem præsentē quadrent, ex multiplici circumstantia gubernatori incognita decernant. Nam in referendis ad

gubernatorem rebus multum
plerumq. inest dāni ; occasioq.
dilapsa reuocari nequit. Doctri-
nam verò hanc adeò viri sapiē-
tes obseruant , vt non modò fi-
dis, prudēribusq. delegatis co-
piam decernendi faciant , sed
puras etiā chartas subscriptas,
& ab eis perscribendas, & obfi-
gnandas, vbi occasio id exege-
rit, concedant. Tantæ scilicet
dignæ auctoritatis fides, pru-
dentia sociata censetur.

Salubrium monitorum acceptio.

Cap. VII.

NEc regem, nec prætorem,
neque patrem familias de-
decet admoneri: decetq. maxi-
mè prudenti admonitioni ac-
quiescere , ne durum euadat
imperium . Si enim, qui præest,

bonos monitores arceat, ipse sibi oculos eruit, vel obstruit, qui solus omnia peruidere nequit. Solent autem viri graui-
ter commoti acrius, quam alij, consilia bona respuere, eo scilicet tempore, quo, cum sint velut mentis impotes, maximè consilijs indigent. Tunc ergo passiones irritatæ compescendæ, animusq. ad salubria monita coaptandus est. Quod præclaro astruxit exēplo Naaman princeps militiæ Regis Syriæ: qui cum ab Eliseo Prophe-
ta non tam liberaliter, ac ipse putarat, acceptus fuisset, iussus per nuntium Iordanem petere, iratus primùm, monitisq. statim correctus sic a sacro textu describitur:

4. Reg.
5.

Cum ergo vertisset se, & abiret indignans, accesserunt ad

eum

eum serui sui, & locuti sunt ei:
Pater, & si rem grandem dixisset
tibi propheta, certè facere
debueras: quanto magis quia
nunc dixit tibi, lauare, & mun-
daberis?

Verbis his mites præbuit au-
res, vt peruincunt adiecta mox
verba:

Descendit, & lauit, &c.

Et Iordane ablutus mirificè
deterfus, & perfanatus est. Hic
fructus cordati viri, cuius ani-
mo consilia bona sine renisu
imprimuntur.

Et præbuit mites aures.

Iusta operariorum merces.

Cap. VII.

Qui proprias locant operas
ad principum domos ex-
truendas, vel colendos agros,
cùm vulgò inopes sint, ac in-

diem viuant, non absque turpi iniustitiæ nota, egestate confici sinuntur mercede dilata: duriorq. repulsa est, quàm si à privatis hominibus reijcerentur, interim dum repetendæ mercèdis causa libellos supplices porrigunt, quacumque imperiosè abiguntur. Bonus gubernator ab eiusmodi culpa longè absistit, quod de se Iob in hunc modum profitetur:

Iob. 31.

Si aduersum me terra mea clamat, & cum ipsa sulci eius deflent: si fructus eius comedi absque pecunia, & animam agricolarum eius afflixi: pro frumento ardeatur mihi tribulus, & pro hordeo spina.

Terra ab operarijs sudore respersa clamitare, sulciq. multo cum conatu laboriosè proficisci deflere dicuntur, cum is

qui præest ad clamorem, & fle-
tū agri cultores dirē perurget.
Quod verò de terræ cultura
assertum est, idē de quibz suis
alijs laboribus prætio repensan-
dis afferendum: cauendumq; ne
Deus inopum clamoribus velut
excitatus iniquos gubernato-
res seuerā ultione percellat.

*Iudicium alijs delatum in sub-
ditorum postulatis*

Cap. VIII.

Non fert æquitas, vt dum
ab eo, qui præest, subditus
iure quicquam exigit, abuta-
tur ille potentia, indecorumq;
putet, aliorum arbitrio subdi:
quod mirificè expendit, ampli-
ficauitq; Iob his verbis:

*Si contempsi subire iudicium
cum seruo meo, & ancilla mea,*

Iob. 31.

cum disceptarent aduersum me.
 Quid enim faciam, cum surre-
 xerit ad iudicandum Deus? &
 cum quaesieris, quid respondebo
 illi? Numquid non in utero fe-
 cit me, qui & illum operatus
 est: & formauit in vulua unus?

Hec sensit, praestititq. bonus
 Princeps Iob, a cuius integri-
 tate longe absunt, qui famulos,
 popularesue creditores tetricè
 reiiciunt, & iure violato men-
 ses totos eliminant. Dira re-
 pulsa est, quam Deus non sinet
 inultam.

Nulla subditorum oppressio. *Cap. XLX.*

Blariam opprimuntur subdi-
 ti, aut legibus, aut oneribus,
 qualia dixerim vectigalia, du-
 raque obsequia: legibus con-

scientia,

scientiæ, oneribus corpora præ-
grauantur. Vterque oppressio-
nis modus sæuitiam præfert,
quam perhorrescit animus.
Quamobrem boni gubernato-
ris est, leges paucas, suauesq.
ferre, vectigalia leuia impone-
re, faciliaq. obsequia iniunge-
re, quæ subditi minimè detre-
ctent. Et quidem doctrina hæc
grauissimo asseritur testimonio
Christi Phariseos suggillantis
in hæc verba:

*Alligant onera grauiā, &
importabilia, & imponunt in
bumeros hominum.*

Matth.
23.

Turpe vitium ijs, qui è ca-
thedra Moyfi populo præside-
bant: turpiusq. ijs, qui Chri-
stiano more præesse debent:
quippe Christi

*Iugum suaue, & onus leue
est.*

Matth.
23.

Conquestus est Ieremias, quod in captiuitate Babytonica nimium durè populus traxaretur, hoc lamento :

Thren.
5.

Lassis non dabatur requies.

At populus Christianus ingenua Christi liberrate donatus est. Etenim fragilitate hominum expensa, æternæ salutis viam, vt arduam, difficilemq. pauci metiuntur, tamen à clementi gubernatore ducantur : quid ergo si ex præfectura fit via salutis asperior?

Nulla mandata rationi dissentanea. Cap. X.

QUæ rationi consentanea non sunt, à gubernatore imperari non decet: hoc quippe imperandi genus metam excedit, neque à subditis æquo

animo ferri potest, quod ex Nabuchodonosor historia perspicitur. Cùm enim Rex is somniasset prodigiosum quiddam, cuius memoria exciderat, cuperetq. meminisse, accitis ariolis in hunc modum locutus est;

Nisi indicaueritis mihi somnium, & coniecturam eius, peribitis vos, & domus vestra publicabuntur. auditors ut dicitur
Stultum sanè imperatum, quod Chaldaei minimè siluerunt, ut patet ex his eorum verbis: *אי לא יאמר לנו*

Dan. 2.

Non est homo super terram, qui sermonem tuum, Rex, possit implere. sed neque Regum quisquam magnus & potens, verbum huiusmodi sciscitatur ab omni ariolo, mago, & Chaldaeis. *אין אדם על פני הארץ אשר יאמר את דבריך מלך ואין אדם אשר יאמר את דבריך מלך ואין אדם אשר יאמר את דבריך מלך*

Præmiserant coniectores hi:

Dic somnium seruis tuis, & interpretationem eius indicabimus:

Quod profectò rationi consonum videbatur: at & somnium ab eisdem exprimere vellet, necemq. propterea minari visum est. Porro si carpi debent, qui rationi aduersa præcipiunt, quid opinemur de ijs gubernatoribus, qui subditos incusso timore ad homicidia, ad sacrilegia, & ad omne denique maleficium impellunt? Deus ultor est, non impunè ferent.

Orij prohibitio. Cap. XI.

Terra pinguis, & ferax, nisi proscindatur aratro, bonamq. sementem concipiat, aculeatas herbas, steriliaq. vir-

gulta profert. Sic subditi bonæ indolis nisi exerceantur, excolanturquè vepres vitiorum, & noxias malarū consuetudinum plantas ferunt, quæ ferro severæ disciplinæ præcidendæ, vel punitionis igne absumendæ sint. Quapropter otium, quo animi inculti syluescunt, interdiciendum, dandaq. opera, vt semper boni quicquam cogitetur, agaturq. quod ad virtutis cultum, & inertix depulsionem conferat. Hoc profectò monitum vel viris vitæ sanctimonia claris, ipsisq. monachis contemplationi deditis, qui minùs timere possent, cordi est: quantò ergo strenuius observandum, vbi gubernator cernit, populum, familiamq. torpentem, nihil pium, vtilevè moliri, sed instar Urbis muris minimè se-

ptæ hostium direptioni pate-
re?

Præfixa vanis sumptibus meta-

Cap. XII.

AMpla patrimonia; reddi-
tusq. pingues populi, vel
familia vanis expensis prodigi
solent; vt passim cernitur, vbi
vestimenta holoserica, opere-
phrygio picta, auroq. inter-
textæ, & limbis vario pretioso-
rum lapillorum flore distinctis
ornata in morem inducuntur,
vbi aulae apparatus, & mensæ
lautitia certatim exquiritur;
alijq. id genus sumptus facti-
rantur. Quamobrem boni gu-
bernatoris partes sunt, luxum
præsecare, metamq. præfigere,
quæ neque fordidum quid ad-
mittat, neque decentem cul-

tum, & ornatum excludat : atque in hunc modum decoro seruato, opes ad Reip. & familiæ bonum promouendum, & arcenda mala, liberalitatemq. exercendam suppetunt : neque enim sumptibus parcendum, vt inutiles thesauri condantur, quibus auaritia vires acquirat.

Peculiaris familiæ cura.

Cap. XIII.

LEx diuinæ charitatis, porrectis quasi brachijs omnes amplectitur, & neminem à beneficentiæ consortio repellit : ceterum nemo vnquam dissentiet, domesticos à quibus rependitur quotidianū obsequiū, laborque multiplex suscipitur, externis præferendos. Dolendum quippè, plerosquè huius-

modi

modi viros bonos , perenni famulatu consensescere, neque vel mediocrem remunerationem accipere , vt ætate grauitè affecta requiescant , & quod cupiunt, tranquillè defungantur. Profectò Apostolus rem hanc introspectit , ac exprompsit alto cum sensu , vbi dixit :

1. Tim.
5.

Si quis autem suorum, & maxime domesticorum curam non habet, fidem negauit, & est infideli deterior.

Non potuit domesticorum incuria significantius damnari : neque hoc loco argutè domestici cōsanguinei à famulis discernendi . Vtrosq. enim præ externis , sollicitè curandos, sensit Apostolus, & vtrumq. neglectū carpsit, tametsi alter altero deterior sit. Porro vterque gestat immanitatis inscriptum.

*Vindicta, ubi quis in gratiam
gubernatoris peccat.*

Cap. XIV.

S Celestorum hominum est,
assentari principibus, aude-
reque multa; quæ tametsi diui-
nam violent legem, grata fore
præfagiunt. His tamen assenti-
ri, ausumque probare, patrati
sceleris assensus est, quo guber-
natori nota tetra satis inuritur.
Quapropter non modo remu-
nerandi, laudandiue non sunt,
qui eiusmodi audent, sed acri-
ter plectendi Davidis exemplo,
qui Rechab, & Baana interfe-
ctores Isboseph filij Saul, affe-
rentes occisi caput grauitè ac-
cepit in hæc verba:

*Viuit Dominus, qui eruit ani-
mam meam, de omni angustia,*

2. Reg.
4.

quoniam eum, qui annunciauerat mihi, & dixerat, mortuus est Saul, qui putabat se prospera nunciare, tenui, & occidi eum in Siceleg, cui oportebat mercedem dare pro nuncio: quanto magis nunc, cum homines impij interfecerunt virum innoxium in domo sua, super lectum suum, non queram sanguinem eius de manu vestra, & auferam vos de terra? Precepit itaque David pueris suis, & interfecerunt eos, &c.

Expedi sanè, vt subditi omnino sibi persuadeant, nihil turpè, quantumuis in gratiam attentatum, ei, qui præest, vnquã probandum; quod ad viam sceleribus multis præcludendam planè conducit.

Causarum perquisitio.

Cap. lxx XV.

ANtequam ferat iudicium, qui præest, omnia, quæ insunt, & quæ affinia, vel adiuncta sunt, penitus nosse debet, ne iniquè, vel imprudenter pronunciet. Sunt pleraq. in specie iniusta, quæ si attentius pensitentur, æqua censebimus. Huius doctrinæ bene gnarus fuit Iob, qui hæc prompsit verba:

*Causam, quam nesciebam, Iob. 29.
diligentissimè inuestigabam.*

Perspicax intuitus, observatio, mora. requiritur ad implexos laqueos dissoluendos, & ad fraudum labyrinthos explorandos, ut plerumq. mirum videatur, à bonis gubernatoribus in lucem erui, quæ mortalium

industriam fugere credebantur. Deus animorum cognitor bonis prelatiſ ſubtiles cogitationes inſpirat, lucemq. indit, qua latebras introſpiciant, & ſapienter decernant.

Rerum inanium, ludicrarumq.

reiectione. Cap. XV I.

A Nimum rebus ſerijs intentum diu gerere perquam difficile eſt, decetq. curas graues intermittere, vt reſumptis viribus gubernator laborem validius repetat. Et quidem hac de cauſa, dum per tempus licet, hortorum amenitas, muſicus concentus, aliaue id genus animi remiſſio conſulitur, & abſque nota ſuſcipitur. Ceterum rebus inanibus, leuibusq. ex profeſſo ſe dedere, in-

decorum est; quale studium Domitiani in configendis stylo muscis ab scriptoribus merito reprehensum; aliaq. non abfamiliar oblectamenta, quæ proculdubio dedecet. Quin etiam vsus Scurrarum; parasitorum; & nebulonum aliorum vituperatur; cum animus à negotiorum; & curarum intentione modis alijs honestis relaxari possit, compertumq. sit, eos gubernatores, qui seius farina hominum voluptate capiuntur, studio Reip. atque familiæ non parum adimere; quod officij deserti vitio vertitur.

Adulatorum depulsio

Cap. lxxvi

FAmiliare mortalibus est, ijs
adulari, à quibus possunt

donis, & honoribus augeri : atque adeò sermone blando, mirificè compto, non veras tantùm laudes exaggerant, sed mendacia plura concinnant, quibus beneuolentiam captēt : quod de se iuniore Augustinus sic fassus est:

Conf. 6.
cap. 9.

Cum pararem recitare Imperatori laudes, quibus plura mentirer, & mentienti faueretur ab scientibus.

Verum est quippe, plura mendacia permisceri, quæ licet sciantur, ab eo etiam, cui adulatorius honor defertur, gratè accipiuntur, quia placent. At qui præest, vitium hoc odisse, blanditoresq; vt infame genus hominum absterrere debet, ostendereq; nihil eo molli artificio ab ipso impetrari, vel sperari posse: qua quidem re-

pulsa multam nominis celebritatem comparabit, & in exemplum spectata integritas cedit.

Susurri auersatio.

Cap. XVIII.

Virilis animi status, mentisq. maturitas gubernatorem decet, atque adeò muliebres, leuesq; mores, qualis susurrus est, detestari debet. Accedit efficax ratio à discordia inde, oriri solita, quæ firmas quoque arces funditus euertit: cõcepta quippe mali persuasionem in aurem à susurrone suggesta, ira laceßita in ultionẽ præceptum fertur, innoxiosq. plerumq. percellit. Profectò Dauid, cum chlamydis Saul oram præcidisset, illamq. ostentasset in argumentum candoris sui, scilicet

qui hosti acerrimo, quem interficere poterat, pepercisset, sic eum affatus est:

1. Reg.
24.

Quare audis verba hominum loquentium, David quærit malum aduersum te?

Ac si expressiùs diceret: Cur non repellis discordiæ satores, qui tibi in aurê suggerunt, quæ ipsi comminiscuntur, vel perperam interpretantur? Nonne vides, quàm sit perniciosum, & infame hoc genus hominum, qui animo tuo stimulos felletos infigunt? Sanè quale inter felices, sterilesq. regiones à natura, tale inter conciliatores, diuisoresquè animorum à moribus discrimen existit. Congruit poeticum illud:

*India mittit ebur, molles sua
thura Sabæ*

Et Cbalybes duri ferrum.

Gratia mortalium contem-
ptus. Cap. XIX.

Gratia principum gubernatores infestat, ut nonnihil attentent, vel admittant, quod ius violetur. Fragilitas perantiqua est, quæ flexit Pilatum licet innocentia Christi conuictum, ut eum neci tradcret, ubi tanquam Lethali telo perfo-

Si hunc dimittis, non es amicus Caesaris. Io. 19.

Terrarum orbis hominum Pilato similiū ferocissimus est, ut non mirum, si & viros Deo sacratos hoc contagium attingat, austeramq. disciplinam quandoq. relaxet. Ceterum obstitendum est, & postulatis, vel propositis rebus ita annue-

dum, vt intemeratum ius, vitæq. integritas illeſa conſiſtat.

Singularis amoris fuga,

Cap. q. XX.

TAmetsi equum sit, meliores
impensius amare, & non
æquè bonis anteferre; cauenda
tamen singularia amoris signa,
quæ vix ab alijs ferri possunt,
& factionum, coniurationumq.
ansam præbere solent. Sanè
ioseph eximiarum virtutū lau-
de germanis fratribus, præponi
merebatur, vt meritò tunica
polymita in signum amoris eū
pater indueret: & tamen singu-
laris amor fratres tanti patris
disciplina, excultos grauer
perculit. sicut scriptum est:

Gen. 37

*Videntes autem fratres eius,
quòd à patre plus cunctis filijs*

amaretur, oderant eum, nec poterant ei quicquam pacificè loqui.

Si ergo inuidentia viros illos aduffit, quid mirum, si per occasiones fimillimas incultos animos vellicet? Porro si curiam perlustremus, vbi malum hoc licentius gliscit, erit ad rē, quod de Daniele Darius cogitabat, sacro textu expressum per verba hæc:

Porro rex cogitabat constituere eum super omne regnum: unde principes, & Satrapæ quærebant occasionem, ut inuenirent Danieli ex latere regni.

Dan. 6.

Vt scilicet inuenirent opportunam calumniam inferendam Danieli, & eo ipso amouerent eum à latere regis. Ergo & familia, & Resp. singularia amoris signa ferre nequit, licet qui

ceteris præponuntur, planè digni sint, multoq. minus, si merito singulari non præstent. Et quidem rationi cedendum est, ut pinguiora munera conferantur in meliores: sed circumspectio commendatur.

Ministrorum insolescentium repressio. Cap. XXI.

Non carpendus gubernator, qui perspectæ fidei viro bono aliquo plurimùm utitur, per quem grauiora negotia expediat, quem proinde gratia præ alijs valere, communis omnium sententia sit. Cauendum tamen, ne is animo efferatur, gratiaq. intemperanter nixus tentet, quæ Remp. vel familiam labefactant, quale quiddam superbus Aman, ad necem innoxia gentis hebreæ in amplissi-

mo Affueri regno ausus est: cuius audacia ad exemplum fracta est, repeso ei patibulo, quod Matdochæo parauerat. Ergo qui gratia potissimum valet, ut intra carceres equi, ita intra modestiæ claustra continendus, vel si turpia attentauerit, plectendus. Atheniensibus mos fuit, opulentos, præpotentesque ciues, licet inculpato, quodam relegationis genere, quod illi *ὄσπριον* appellarunt, ab Vrbe depellere, ne potentia abuterentur: quid ergo non egissent, ut ciues in Reip. perniciem gratia abutentes, suffragijs populi mulctarent?

Esther.
7.

Verba minimè contumeliosa.

Cap. XXXI.

Qui gubernandi arte non satis callent, ubi errata

deprehendunt, linguæ habenas
laxant, & contumeliosis verbis
animos subditorum vellicant,
ruboreq. suffundunt. Error cras-
sus est: nam exasperati animi
bona consilia, vel respuunt, vel
difficulter excipiunt, omninoq.
constat, non perinde prodesse
aculeata contumelijs monita,
ac ea, quæ lenitate verborum
condita dulcescunt. Consultius
ergo est, honore afficere, quos
admonere velis, salubribusq.
monitis, honore delato viam
aperire. In hunc modum sa-
pientes prælati, antequam cor-
ripiant, præmittere solent sub-
ditorum merita, puta ingenij
perspicacitatem, litteraturam,
partam virtutibus laudem, ut
ex his ipsis capitibus conficiât,
debere eos, quod indecorû est,
expungere, laudemq. primam

nouis accessionibus augere.
Hoc genus prudentiæ defuit
Isboſeth, qui Abner ſtrenuiſſi-
mum virum, à quo domus Saul
vita functi regebatur, quique
cum Saulis concubina fortè
cōgreſſus fuerat, ſic ex abrupto
acribus verbis inceſſit:

*Quare ingreſſus es ad concu- 2. Reg.
binam patris mei? 3.*

Porro Abner arrepta hinc
anſa ad Dauidis aulā conceſſit.

Bonorum virorum amicitia.

Cap. XXIII.

DEcet eum, qui præſidet,
bonorum virorum vti con-
ſortio, qui rerum ſpectatores,
ac teſtes adſint, quod ad fidem
gubernatori conciliandam plu-
rimùm valet. Eo quippe ipſo,
quicquid agat, ſiniſtris inter-
pretationibus minimè pater,

cum

cum coram viris inculpatis, quibus vitia exosa sunt, gestum credatur: præterquam quod laudi facile ascribitur amicitia illa, quæ probos duntaxat admittit, improbos respuit. Huc spectat, quod David cecinit in hæc verba:

Pf. 100.

Oculi mei ad fideles terra, ut sedeant mecum.

Quasi diceret: Non quosuis amicos, conuiuas, & socios mecum confessuros, confertim accipio, sed examine præuio, postquam oculis omnia lustravi, perspexiq. eos fidos esse, ac existimari, ut decorum videatur, spectatæ virtutis viros inter Regis amicos recenseri. Horum fide, ac ministerio expediuntur multa, quæ ad pietatem, & pacem alendam impendio conferunt.

PARS QUARTA.
DE SELECTIS
BONI GVBERNATORIS
DOTIBVS.

Dei timor, & cultus.

Cap. I.



VI alijs impe-
rant, intentos
subditis oculos
gerunt, crebro-
que eiusmodi
usu, coelum ple-
rumq. non spectant, Deiq. ma-
iestatem, vt par esset, minime
verentur. Error enormis est,
qui Reipub. ac familiae officit:
nam qui ultionis diuinae formi-
dine non contrahit sese, facile
insolescit, & nimium seuera
disciplina in subditos desæuit.

Qui

Qui verò timet, affectui non laxat habenas, & si quando palantem animaduertit, intra æquitatis orbitas reuocatum in officio continet. Hic sensus Iobi, boni scilicet principis fuit, ne principatus occasione intumesceret, opeq. destitutos opprimeret: quod ille mirificè perpendit in hæc verba:

Iob. 31.

Si leuavi super pupillum manum meam, etiam cum viderem me in porta (hoc est, iudicio in portis celebrari solito) superiorem: humerus meus a iunctura sua cadat, & brachium meum cum suis ossibus confringatur. Semper enim quasi tumentes super me fluctus timui Deum, & pandus eius ferre non potui.

Certè, vt ex hoc textu perspicitur, cum in iudicio posset Iobus auctoritate, ac potentia

pupillos, inopes, & eius generis homines prosternere, familiare illi fuit, Dei timore contrahi, diuinamq. potentiam, instar elatorum fluctuum incumbentem ex imo loco suspicere, neque vim tantæ maiestatis ferre valere. Ea, de causa nihil iniquum, violentumvè ausus est, quod deberet à supremo mortalium iudice rescindi. Timor ergo Dei altè condendus est.

Insignis doctrina. Cap. II.

Qui alijs ut magister præficatur, doctrina debet excellere: si enim rerum ignarus sit, exprobrari ei poterit, quod Christus cæcis doctoribus Ierosolymorum obiecit:

Cæci sunt, & duces cæcorum.

Math.
23.

Cæcus

Cæcus autem si cæco ducatum præstet, ambo in foueam cadunt.

Cæcus cæcum ducit, dum gubernator ignarus populum, familiam uè ignaram regit, seq. ipsum, æquè ac subditos, præcipitem agit. Quocirca, qui præest, eius doctrinæ debet esse consultus, quæ ad officium explendum conferat: aliosq. asciscere peritos, quibus ad prudentiæ exercitium utatur, ut quæ didicit ipse perficiat, vel quæ non didicit, ediscat. Delectus virorum doctrina præstantium, qui assistant, habendus; oculatèq. inspiciendum, ut boni iuxta ac docti sint, cum alterum sine altero minime in rem quadret, & utrumque reperire raro contingat, quod celebrari solet vulgato illo:

Vir bonus, & sapiens, qualem vix reperit unum, Millibus, è multis hominum consultus Apollo.

Fida memoria. Cap. III.

Qui præest, debet experientiorum præteritorum meminisse, & negotia, quæ sibi creduntur, in promptu habere, historiaq. Unde exempla, & multiplex prudentia petitur, nosse, ut his omnibus opportunè utatur. Quamobrem è Rep. est, si memoria fida præster, infidamquè excolere assuescat: exercitio quippe ipso fieri solet, ut memoria quasi durior materia scalprio incisa, quæ semel insculpuntur, diutius retineat. Prodest autem ars aliqua memoriæ iuuandæ, quali

concionatores, ac publici prælectores vti consueuere, figuris mathematicis, aut imaginibus, aut characteribus concinnata, prout cuiusq. ingenio cōgruit.

Bona coniectura . Cap. IV.

AD gubernatoris prudentiam spectat coniectura non leuibus, sed probabilibus innixa rationibus; quæ eò solet esse congruentior, quò quis experientia prouectior est. Cauendum tamen, ne coniecturis abutatur tanquàm certis incertarum rerum indicijs: modusq. addendus, vt solertia, præsa-giendiq. ratio quantum fas est, admittatur: leuitas autem in conijciendo, nimiaq. fides tanquam extrema vitentur. Exploratum est, somnia, prædi-

etiones liberorum, & fortuito-
rum euentum, & id genus alia
à prudenti gubernatore con-
temni.

Circumspectio. Cap. V.

CUm prudentia sit recta ra-
tio mediorum ad intentum
finem, sæpèq. contingat, quæ
ex genere ad finem adipiscen-
dum conducunt, ex circumstan-
tijs obstare; circumspectio cõ-
mendatur, quæ omnia rem am-
bientia inspicit, pensitat, &
cum fine confert, crebroq. reij-
cit, quæ genere quidem suo e-
ligenda videntur. Profectò bo-
ni gubernatoris est, amoris si-
gna subdito exhibere, eo quip-
pe medio conciliatur animus,
flectiturq. quò velis: at si osten-
si amoris occasione subditus

esse-

efferatur, satius erit, grauitèr illum accipere, licentiamquè compescere. Nota hieroglyphicà oculatissimus gubernator pingi posset, vt omnia circumspicere, ex officio se debere animaduverteret.

Maturitas consilij.

Cap. V. In qual, mona

PRæmittēda consultatio grauius negotijs, neque fidendum ingenio, vel industriæ, ne cum dedecore ac damno oporteat mutare consilium.

Neque hic laudandum valde illud Græcum:

Διὺ τεραὶ φροντίδες σοφώτερας,

Illud uè Latinum:

Sapientis est mutare consiliū.

Et si enim meliora sint secunda consilia, quàm prima,

vbi primus error secunda obseruatione corrigitur; at vitio vertitur ingenium præceps, cui proinde necesse est, mala consilia prima frequenter permutare secundis. Prouidentia, sagacitas, circumspectioq. præcurrat, vt decernatur maturè. Non abs te Ennius Fabium Maximum cognomento cunctatorem commendauit in hæc verba.

Unus homo nobis cunctando restituit rem.

Non ponebat enim rumores ante salutem.

Cunctatio ergo in grauioribus rebus prudentiæ ad bene gubernandum requisitæ partis est: secus vero vbi leuiora decidenda succurrunt, quorum diuturnam consultationem prudentia minimè suggerit.

Diligentia. Cap. V. I. I.

DVM laudatur cunctatio,
nonnulli prudentiam præ-
texunt, vt tarditatem excusent.
Ceterum neutiquam probanda
tarditas, quæ à cunctatione
longè differt, & in grauioribus
quoque causis reprehenditur,
cum medium virtutis excedat.
Vexatur tarditate negotiorum
gestores, & ad impensas nimias
dilatione coacti ad maledicen-
tiam linguas soluunt. Quin-
etiam spe dilata, bonas demum
negotiorum expeditiones de-
florata, iam gratia minùs læti
accipiunt, & bonum governa-
torum nomen obscurant.

Providentia. Cap. VIII.

ET pietas, & prudentia exigat, quæ procul absunt, bonus gubernator, velut è specula prospiciat, ut mala quæ Reip. vel familiæ officere possent, auertat, & bona, quæ vsui fore considerat, solertia, & navitate multa perquirat. Quo quidem in genere, laudatur accurata temporis, & utilitatis observatio, & anticipatio quædam, qua efficitur, ut copia necessitatem incubituram præcurrat. Modus autem providentiæ potissimum commendatur, si non modò tempus anteuertat, sed ante consumptam annonam, vestesq. laceras, subsidio impenso succurrat, aliquantoq. plus erogat, quàm necessitas

arcta requirat. Parcitatis quippe studium animis subditorum teporem inducit, ne alacriter obsequantur, aut pareant, quod crebris experimentis asseritur. Nouit hoc prudentissimus Iob, qui ea, de causa familiam liberaliter alebat, ut ipse indicauit per hæc verba:

Iob. 31.

Si non dixerunt viri tabernaculi mei, Quis det de carnibus eius, ut saturemur?

Dicebat quippe familia liberalitati tanti principis assueta, optare se mensam Iob ad saturitatem bene instructam, obseruato discrimine mensarum sterilium, quibus fames non posset expleri.

Imperium animi. Cap. I X.

Non bene imperabit alijs, qui sibi nequit imperare,

dum

dū intestino bello concutitur,
passionesq. indomitæ rationis
arcem oppugnāt. Qui enim in-
temperantiæ, timori, audaciæ,
alijsq. immoderatis succumbit
affectibus, quomodò intempe-
rantes, timidos, audaces mo-
derabitur? Profectò si archite-
cti norma peccet, ædificium
ad eam regulam exactum ne-
quit esse perfectum. Debet er-
go gubernator esse virtutum
exemplar, quod subditi imiten-
tur, lineaq. qua dirigantur, vt
Reip. vel familiæ partes, quasi
aulæ cuiusdam latera, archite-
ctonica proportionē cōsentiāt.
Atque idcirco animum ita de-
bet regere suum, vt rationis
imperio passiones effrænes cō-
erceat, ne ira exæstuet, concu-
piscētia flagret, delectatio il-
liciat: quod auxilio coelesti,

diuini iudicij, mortis, ac tartari meditatione consequetur. Et si enim perquam rarò victoria passionum perfecta paretur; eò tamen acceditur, vt motus immodici comprimantur, ne mentem à legis obseruatione distrahant, & ab excelso diuinæ gratiæ statu deturbent.

Temperantia. Cap. X.

Herodes Rex intemperans bonos conscientiæ stimulos, quibus excitus Ioannem colebat, immoderato conuiuio retudit, bonamq. sementem adnato quasi lolio præfocauit. Omnino certum, ac exploratū est, voraces, bibacesq. homines nec Reip. nec familiæ regendæ idoneos esse, beneq. pastos, ac potos malè decernere,

ut è Ioannis nece perspicui potest, de qua lepidè S. Ambrosius :

Rapitur ad pœnam propheta conuiuali tempore, conuiuali præcepto, quo non cuperes, vel absolui.

S. Amb.
l. 3. de
Virg.

Absolui quippe a pœna præcepto temulenti hominis, non est innocentiae argumentum, sicut nec damnari, culpæ persuasio est. Abstinencia, & sobrietas sensus vigiles, & ad honestum dispiciendum perspicaces efficiunt. Frugalitas ergo à bono governatore colenda est.

Castitas. Cap. XI.

PErantiquum prauorum gubernatorum vitium est, potētia ad libidinem abuti: quod

Daniel in Susannæ causa, dum alterum è duobus sceleratis senibus dijudicaret, expressit in hunc modum:

Semen Chanaan & non Iuda, species decepit te, & concupiscentia subuertit cor tuum: sic faciebatis filiabus Israel, & illæ timentes loquebantur vobis: sed non filia Iuda sustinuit iniquitatem vestram.

Quibus ex verbis liquet, iudices illos iniquos puchas ad se iudicij causa venientes auctoritatis abusu vitiare solitos: quod cerrè crimen ad ætatem quoque nostram serpsisse videtur, si plurimis historijs tragicis fides habenda sit. Placeat potius illæsus vitæ candor bonis gubernatoribus congener, ut patet ex oraculo illo Iob:

Repigi fœdus cum oculis meis;

*ut ne cogitarem quidem de vir-
gine. Quam enim partem babe-
ret in me Deus desuper, & hæ-
reditatē Omnipotens de excelsis?*

*Quasi planius sic enuncia-
ret: Ego firmiter constitui, non
à turpi tantummodò actu ab-
sistere, sed oculos quoque ob-
struere rationis imperio, ne
pulchritudine carnea, cuius in
virginibus præcipua laus est,
capiantur, certò sciens, nisi ca-
stè agam, me ad Dei quasi pe-
culium, Omnipotentis uè hære-
ditatem minimè pertinere.*

*Profectò qui præest, visu per-
spicax esse debet: quomodò
ergò visu pollebit, qui indul-
get veneri, cuius partus cæci-
tas mentis est?*

Iustitia. Cap. XII.

QUàm sit intrinsecus nata ex gubernatoris officio iustitia, tam est per se comper- tum, vt à nemine ignoratio vl- la possit obtendi. Quorsum enim præest, nisi vt reddat cuiq. quod suum est, quod est ipsum tãtæ virtutis ingenium? Iustitiam ergo tanquam officij firmamentum colat, nec se pre- ce, vel pretio corrumpi permit- tat. Vbi autem ex vltice iusti- tia in scelestos animaduertet, clementiæ meminerit, qua vl- tionis asperitas lenitur..

Misericordia. Cap. XIII.

DEbet ex iustitia governa- tor afflictos in libertatem

asserere, dum à potentibus opprimuntur. Ceterum nisi extra huiusmodi euentus, in pupillos, omneq. inopum genus pronus & liberalis sit, præconio dignus minimè censendus. Rem hanc Iob contemplatus hæc extulit verba :

Si negavi, quod volebant, pauperibus, & oculos viduæ expectare feci : si comedi buccellam meam solus, & non comedit pupillus ex ea : quia ab infantia mea crevit mecum miseratio, & de utero matris meæ egressa est mecum.

Iob. 31.

In hunc morem qui præest, affici debet, ut præfectura Deo, hominibusq. fiat accepta : iustitiæ quippe actibus non valde flectuntur animi, quos tamen misericordia mirificè capit, ut feliciter procurrat imperium.

Speranda prosperitas, ubi à vestibulis gubernatorum famelici saturi, nudi obtekti recedunt.

Legum custodia. Cap. XIV.

Mirum sanè videtur, Resp. penè omnes, monasticosquè coetus optimis legibus institutos esse, & tamen legum custodiam in paucis, breuiquè vigere. Porro multiplex eius calamitatis ratio posset afferri: illa verò minimè reticenda, quòd cum gubernator sit velut anima legis, si is legum custodiam deferat, perinde est, ac si a corpore anima recederet. Leges ergo à gubernatore animandæ, & tanquàm spiritu vitali afflandæ sunt, quod studio duplici obtinetur; altero, quod ad gubernatorem spectat

ipsum, qui leges quoad possit, obseruet; altero, quod deriuatur ad subditos, quos ad legum observationem efficaciter debet inducere. Quo quidem duplici studio expletur vulgatum illud: Imperatoriam maiestatem legibus armatam, & armis decoratam esse debere. Vbi enim legum custodia praeualet, armatura Regum, ac Reip. totius leges sunt; arma vero ob pacis bonum suspensa ad solum conferunt decorem, quale quiddam de turre Davidis scriptum est in hunc modum:

*Mille clypei pendent ex turre,
omnis armatura fortium.*

Cant. 4

Quin etiam felicitas quaedam inde exoritur, qualis Reip. Lacedaemonum contigisse fertur, qui legum custodia potius quam muris Spartam am-

bierunt, vt nec intestina, nec
externa bella metueret.

Studium pacis. Cap. XV.

EXtra controuersiam est ne-
minem à rectrice pruden-
tia laudari posse, qui pacis stu-
dio neutiquam præstet. Si enim
vt vulgatissimo circumfertur
proverbio;

*Concordia res parue crescunt,
Discordia maxima dilabun-
tur.*

Profecto qui pacem induce-
re, vel augere non certat, per-
inde agit, ac si Remp. euertat,
tamen si vrbes bene munitas, &
custodijs septas iacet: nō enim
præcipuum Reip. firmamentum
in arcibus, & mænibus, sed in
consentientibus animis consti-
tutum est. Quamobrem discor-

diæ feminibus quantumvis exiguis, tanquam exitiali malo celeriter succurrendum, ne vires acquirant, neque labori, vel auro parcendum. Quò certè in genere illi potissimum commendandi, qui animos honesti ratione proposita suauiter, ac efficaciter alliciunt, ut omnes vno amoris nexu constricti, in sensum vnum mirificè conspirent, consensione scilicet harmonica diuersarum sectionum, ac factionum expultrice. Sensum hunc togata, militaris, domesticaq. prudentia ipso naturæ lumine ducta suggerit: quæ admodum enim naturale corpus viget, vbi membra omnia cohærent, statimq; ac vnum è loco dimouetur suo, totum diris doloribus conficitur, quod tantilla ossa eluxata conuincunt;

cunt; ita Resp. vel familia, ubi
 animi omnes consentiunt, va-
 lida, & constans est; at vel vno
 discrepante tota concutitur, ac
 perturbatur. Quod experimen-
 tis quotidianis astruitur.

Constans animi firmitas

Cap. in X. III.

De indigesta coniectura

Pleraq. indigesta, è coniectura
 leuibus orta ad gu-
 bernatores deferuntur, quæ ani-
 mum non bene firmum graui-
 ter afficiunt, & ad odium, iram
 vindictamq. perpellunt. Quam-
 obrem præmeditatione opus
 est, vt vir prudens non temerè
 fidem commodet nuntijs, vel
 susurris, animumq. dilaret, vt
 capiat multa, nec reuomat, pas-
 sionesquè subsultantes ratio-
 nis freno coercet. Vix dici

queat, quàm deceat gubernatorem intus concepta, vultuq. exhibita tranquillitas incompofitis motibus minimè obnoxia, quæ cœlestem quendam statum repræſentat. Quo quidem in genere laudem primam promerentur, qui nuntia mœſta ſedatè, & conſtanter excipiunt; qualis Iob, qui armentorum prædæ, cœleſtis incendiij, concuſſæ domus conuiualis, oppreſſorumq. liberorum nuntios incredibili animi fortitudine, ac latitudine accepit: cuius proinde laus nulla oblivione delebitur. Illi verò facile vituperandi, qui leui ſuſpicionē tacti vehementer commouentur, iræ impetu tamquam phrenitide correpti: qualis ille Rex Iſrael, qui acceptis per Naaman litteris Regis Syriæ,

vbi lepræ remedium candidè
postulabat, impotenti affectu
scissis vestibus excanduit in
hæc verba:

4. Reg.

*Numquid Deus ego sum, ut
occidere possim, & viuificare,
quia iste misit ad me, ut eurem
hominem à lepra sua? Animad-
uertite, & videte, quòd occasio-
nes quærat aduersùm me.*

Rex Syriæ Hebrææ puellæ
indicio didicerat, se ex Israel
sperare posse salutem, ut rei
probauit exitus, eoq. animo
sincerè scripsit: & tamen Rex
Israel suspicatur, ijs litteris bel-
li occasionem captari. Procul
pellenda suspicio malè nixa,
quæ à bona coniectura longè
diffita est.

Gratitudo . Cap. XVII.

DVo bonorum genera, qui præest, obseruata proportionē dispensat, vnum è communibus Reip. opibus, vel honoribus, quod ad iustitiam distributiua pertinet, alterum è proprijs ipsius gubernatoris diuitijs, vel officijs, quod ad gratitudinem spectat. Et quidem, quemadmodum iustitiæ distributiue neglectus bona ciuium studia eneruat, ita gratitudinis incuria subditorum animos auertit. E contrario verò satis exprimi nequit, quàm sit efficax gubernatoris gratitudo perspecta ad excitandos animos, vt ardua quæque fortiter aggrediantur, & remuneratori alacres adsint. Quocirca piè

ac prudenter agunt principes grati, qui honoribus ac opibus ciues, famulosq. probatæ fidei pro exhaustis laboribus augēt: eoque ipso sibi consulunt, dum plures alios beneficentia spectata ad obsequia quæuis alliciunt: habet quippe vim quandam magnetis gratitudo, qua hominis ingenium demulcetur, & capitur. Res adeò crebra, & comperta est, vt exemplo vel assertione non egeat.

Comis grauitas. Cap. XVIII.

DEbet qui præest, se in animos subditorum insinuarē, vt spontanea reddantur obsequia, quod obtinetur comitate: debet quoque ita se gerere, vt minimè irrideatur, quod grauitas efficit. Et quidem per-

ſpectum eſt , affectum populi ,
familiaꝝq. bonum ex amore , ac
timore , qui appellatur reueren-
tia , temperari , ne quid ad obe-
dientiaꝝ perfectionem deſidere-
tur : nam ea mortalium obe-
dientia , quaꝝ amore ducitur ti-
moris experte in licentiam , que
autem timore exprimitur amo-
ris exorte in ſeruitutem dege-
nerat. Hæc ergo temperies ob-
ſeruanda , quam ſapiens guber-
nator conſiderat , qualis Iob ,
qui cum eſſet planè humaniſſi-
mus , erat quoque ſenatoria
grauitate venerabilis , vt patet
ex illo ;

Quando procedebam ad por-
tam ciuitatis , & in platea para-
bant cathedram mihi . Videbant
me iuuenes , & abſcondebantur ,
& ſenes aſſurgentes ſtabant .
Principes ceſſabant loqui , & di-

Iob. 29.

gitum superponebat ori suo.

Sic afficiebantur non populares modò, sed patritij ex aspectu lobi, ad cuius amorem, ac venerationem plurimum valebat, non fastus, aut affectata maiestas, sed vitæ integritas, cuius persuasio animis vniuersorum infederat.

Decorum. Cap. XIX.

QUod in corporis partibus debita proportione consentientibus, & quadam coloris suauitate nitidis pulchritudo, hoc in actione, vel externis actibus, vti decet, modificatis appellatur decor, siue decorum, quo bonum gubernatorē oportet excellere, vt non internè tantum Deo, sed externè homi-

nibus quoque placeat, & studium virtutis composito gestu excitet. Quapropter nihil in oculis toruum, leue, muliebre; nihil in fronte contractum, inuerecundum, audax; nihil in ore distortum, sordidum, inciuile; nihil in sermone affectatum, floridum, foemineum; nihil in incessu præceps, tardum, obliquum; nihil in corporis motu rusticum, deforme, inconcinnum admittat: sed intuitu miti ac sedato, fronte serena, ore composito, sermone casto, incessu graui, aptoque corporis motu præferat formam gubernatore dignam, quæ impensè ametur, & spectatores oblectet.

Amor in subditos. Cap. XXI.

NEquit satis exprimi, ad perfectam gubernationem quàm conferat altè impressus, & signis exhibitus amor, qui varijs formis nunc paternos, nunc maternos affectus concipiat, quos subditi deprehendant, ut meritò caput hoc parti huic quartæ tanquàm coronis addatur. Rem exactè perpendit Moyses, qui Deum, cuius sensum adeptus fuerat, sic affatus est:

Num.

11

Numquid ego concepi omnem banc multitudinem, vel genui eam, ut dicas mihi: Porta eos in sinu tuo, sicut portare solet nutrix infantulum, & defer in terram, pro qua iurasti patribus eorum?

Qui-

Quibus planè verbis ostendit, Dei mentem fuisse, ita se erga populum gereret, ac si totius gentis proprius parens, mater, nutrixq. foret. Eundem Apostolus sensum affecutus est, qui cum pater crederetur, matris quoque affectum expressit in hæc verba;

Filioli mei, quos iterum parturio, donec formetur Christus in vobis.

Gal. 4.

Parturire genitricis est: ob-
servandusque iteratus partus,
quem apostolicus amor edi-
dit. Nutricis autem functio-
nem obiuit, ut liquet ex illo:

*Facti sumus paruuli in medio
vestrum, tanquam si nutrix fo-
ueat filios suos.*

1. Thess.
2.

Suppetit efficacissima ratio:
nam gubernator amore ipso fit
patiens ut subditorum tædia

ferat

ferat : fit fortis & constans , vt
se pro ijs , periculis obijciat :
fit sedulus, vt eis adsit : fit pro-
uidus, vt quæ officere, vel pro-
ficere possent, longè prospiciat :
fit denique ad omne honestum
subditorum postulatum expe-
ditus, & liberalis, & præfetu-
ra gloriosè perfungitur.



PARS QVINTA.
EXHORTATIO
AD EOS, QUI
PRAESVNT.

§. I.



NEMO ex ijs, qui
præfuere, adeò de-
lirus est, qui mul-
tiplicia, summaq.
discrimina, in qui-
bus ij, qui alijs imperant, passim
versantur, non facilè digno-
scat; vt perspectum sit, eos ex-
hortatione seria, identidemq.
repetita indigere, si æternæ sa-
lutis iter conficere velint. De-
bent quippe qui præsumt, lu-
culento virtutum exemplo a-
lijs prælucere, vt qui eos in-
tuentur, quemadmodum vitam

F insti-

instituire, vitia cauere vel expungere, virtutes conquirere, vel tueri debeant, animaduertant, & ad eorum exemplar mores coaptent. Quocirca gubernatorum integritas totius Reipub. vel familiæ forma, & quasi vita, è contrario eorum improbitas communis deformitas, & velut interitus est: & proportionē seruata, proculparum modo, bonum commune labefactat, vel euerit.

§. II.

SI autem vnius hominis vita ita debet esse æquis bilanci-
bus expensa, & ad iustitiæ lineam exacta, vt quantum deflexerit, tantum populo noceat, culpa vna in animos multos inuecta, & serpendo vires ac-

quirente;

quirente; quis tam sit cæcus, ut tremendum præfecturæ periculum nō liquido perspiciat? Cum enim tam exacta vitæ integritas paucis, ratoque contingat; ecquis sibi blandiatur, & è selecto paucorum numero se fore promittat? Quòd si res per quàm rarò succedit, quis adeò desipiat, ut de præfectura quærenda, vel cogitare audeat? Priuatus homo, qui de animo dumtaxat suo Christianis virtutibus excolendo agit, vix in proposito perstat, timetq. ne de se vno supremo Iudici sciscitanti respondere nequeat; & quod longè maius est, monachus rerum diuinarum studio perseveranter intentus, & alto mundi contemptu grandis, iudicij diuini vim formidat, precatoresq. multos inducit, ne

causa demum cadat: quomodo ergo pleriq. in speciem pij, primas cathedras ambiunt, fidentes se, qui aliorum adiutorio ad iram Dei placandam proculdubio egent, pro alijs in accuratissima Christi discussione responsuros?

S. III.

Sane qui præsunt, ad fastigiū quoddam euecti sunt, vbi proclive est, quandam mentis vertiginem pati, atque decidere; quod non Ecclesiasticis modo ascribatur, quales Episcopi, e quorum numero paucos fieri saluos Chrysostomus censuit; sed & alijs, quos prodigiosè collapsos Scriptura cōmemorat. Profectò Saul, qui candidè coepit, ita imperando foedatus

est, vt, quod animus audire horret, de illo sic Deus lugubrem sensum expresserit:

Pœnitent me, quòd constituerim Saul Regem: quia dereliquit me, & verba mea opere non impleuit.

Hæc vt Samuel audiuit, repulsi à Deo regis vicem adeò doluit, vt fletum reprimere non posset: quem largissimè flentem sic Deus ipse corripuit:

Vsquequo tū luges Saul, eum ego proiecerim eum, ne regnet super Israël

Si ergo, qui Dei consilio ad gubernationem delecti sunt, & innoxie auspicantur, tam portentose delinquunt, & à Deo tam imperiose deturbantur: quis non sibi timeat, vbi è sublimi præfecturæ loco alienum casum contemplatur.

§. IIII.

QUod si quis inculcata Saulis primordia laudet, prætexat tamen ei sapientiam defuisse; errabit ille sanè, vtrumque enim donum diuinitus affuit: ceterum, quo res fiat apertior, proferamus vulgatum quidem, sed nunquam satis expensum Salomonis exemplum, in cuius orsu sapiëntia mirificè elucescit. Profecto mundus obstupuit; Salomone ius dicente, vel arcana referante, quod neminem. Scripturæ sacræ consultum latere potest: at regni pacatissimi opes & commoda sapientissimū virum imperio abutentem dementarunt, & in turpissima vitia demerserunt; sicut scriptum est:

Cumq.

Cumq. iam esset senex, deprauatum est cor eius per mulieres, ut sequeretur Deos alienos: nec erat cor eius perfectum cum Domino Deo suo, sicut cor David patris eius; sed colebat Salomon Astarthen deam Sidoniorum, & Chamos Deum Moabitarum, & Moloch idolum Ammonitarum.

Si ergo sapientiæ lucem regię celsitudinis abusus eo usque extinxit, ut ad idola colenda Rex iam senex procumberet: quis non formidet imperium, vbi animus simillimis irritamentis illectus cernit se præfecturæ abusu per vetitos campos posse licenter excurrere?

S. V.

SI autem viri, cælesti confilio ad regnum vocati, & virtutibus armati diuinis, eximiaquæ sapientia splendidi, occasione regiminis tam enormiter peccant; quid censendum de ijs audacibus, quos ad primas sedes prouexit ambitio? Virides beneq. cultas arbores absument ignis: arentia ligna nonne depascet? Arentia ligna dixerim rectores eos, quos non intuitus diuinę glorię, non Reip. pax, non salus proximorum excitat, sed cupiditas opum, & honorum, quos auidissimè captant. Utinam horrendum interitum præmeditarentur, ne tam cæcè aberrarent?

S. VI.

EXhibet enim nescio quid
blandum, & lætum præfe-
ctura, quod mortales hæredes
Adæ adeò vehementer oble-
ctat, ut tanquàm temulenti,
mala, quæ cute illa nitida ob-
teguntur, neque sentiāt, neque
discernant. Verumtamen mul-
tis postea experimentis conui-
cti fatentur, quàm sit amaru-
lenta potio, quæ dum appete-
retur, suauiter haurienda cre-
debatur. Quod licèt alij dicti-
tent, ij potissimùm probant,
quos Dei timor coarctat, qui
rebus perpensis, atque collatis,
mallent validè iugum præla-
tionis excutere, quod sponte
subiere, vel impositum suscepe-
re: è quorum selecto numero

paucos aliquot mundi cōtem-
ptores ætas quoq. nostra tulit.

§. VII.

Ceterū, qui oneri tanto iuf-
fi, vel iniufsi humeros fup-
pofuere, fiue Ecclefiaftici, fiue
feculares fint, in opus fuum
curis alijs ablegatis incumbāt,
tāquā rationem Deo reddi-
turi eius functionis, quam ob-
eunt, qua fe populo pie pru-
denterque regendo fecerunt
obnoxios.

*Deus (quippe) ftetit in Syna-
goga deorum,*

*Hoc eft, iudicum, princi-
pum, præfeftorum,*

In medio autē deos dijudicat.

Porro vbi, qui præeft, ad tri-
bunal Chrifti fiftetur, rogabi-
turq. quid egerit, respondebit
fortaffe vnus è multis, fe, quod

ad personam spectat propriam, neque honoris, neque voluptatis, neque lucri gratia legem grauitè violasse: verum obijcietur ei populum, familiam uè peccasse, quod ipse ex officio cauere debuit: & culpæ, quas corripere neglexit, in eius caput refundentur, ut luat, quæ minimè putarat. Si enim, quod Christus præmonuit, de verbis singulis otiosis in supremo iudicio reddenda ratio est; an nō exigetur ratio neglectus Reip. vel familiæ, quam coercere oportuit, cum eiusmodi neglectus grauior, & nocentior sit, quàm otiosa verba, quæ passim effunduntur? An obscœnitates, contentiones, detractiões, odia, furta, blasphemias gētis incultæ nō recensentur, exquireturquè à gubernatore,

Marth.
12.

qui eam excolere debuit, cur populum, familiam uè syluescere permisit, & luxuriam malæ segetis igni tradendæ non præsecuit?

S. VIII.

Vereor, ne multi præfides, qui sibi videntur innoxij, damnentur interitu sempiterno, quem dum contemplor, equidem cohorreo. Et profectò timor hic meus fundamêto minimè caret; quod planè perspiciet, qui gubernatoris officium attentè trutinauerit, simulq. animaduernerit, quod ego sæpè obseruavi, præfectos plerosq. admonitos de rebus serijs, quas officij suscepti ratio suggerit, tanquàm è graui somno euigilantes, nouamq. doctrinam sibi obtrudi credentes, facile

ostendere, se de gente sibi credita tenuiter cogitasse iis præferrim in capitibus, quæ Christus ab eis maximè requirit.

§. IX.

QUod verò bonis æstimato-ribus peius in hoc genere videtur, audacia quædam est eorum præsidum, qui cùm opiniones Theologorum, Iurisq. prudentum communes audierint, herent nihilofeciùs leuioribus paucorum sententijs parùm tutis, maluntq. periculoso itineri se committere, quàm perarctam salutis viam à Christo ostensam incedere. Miror certè ausum hunc: si enim in vrbe amplissima, quàm interfuit amnis, duo pontes populo transitum præberent, commu-

niq. bonorum architectorum
 sententia pons alter parum tu-
 tus existimaretur, profectò vix
 è multis millibus vnus tutio-
 rem pontem, mortalis vitæ
 amore perurgente, non pete-
 ret. Quomodò ergo è duabus
 opinionibus, quarum altera
 communi sapientum consen-
 sione reprobat, quæ minùs
 tuta est, à tam multis eligitur?
 An immortalis vita æquè ac
 mortalis non ametur? Cur ta-
 men vitam hominis immorta-
 lem cum mortali confero? Cer-
 tè vt in exemplo duorum pon-
 tium allato persistam, nemo nò
 se ipsùm modò, sed ne equum,
 quo ad exportandum stercus
 utitur, periculoso ponti crede-
 ret. Si ergo equus, vel asellus
 pontem infidum pertransire
 non finitur, ne fiat modica rei

familiaris iactura ; cur anima sanguine Christi redempta periculosis opinionibus in tanto æternæ mortis discrimine, se ipsam credit , sibiq. tantopere vilescit ?

S. X.

O Pro equidem, gubernatores Christiani oculatissimi sint, vt sciant quid fieri expediat, & constantissimi, vt quod facto opus esse nouerint, reiectis politicis rationibus parùm pijs exequantur, placeantq. ei, per quem

Reges regnant, & legum conditores iusta decernunt. Prou. 8

Quod planè assequentur, si exemplar ipsum Christum intueantur, actusq. suos ad illius perfectionem effingant. Opto

item, perfectū imperandi modum Christiana disciplina subnixum ineant, habeantq. deletum rationi, & Scripturę sacrę exemplis congruentem; quo pręfectura prosperetur. Quia verò campus hic latissimè patet, multorumq. capitum studio animi vis diuisa lentescit; erit ad rē, vt gubernator quisq. vnum vel pauca seligat, quibus præcipuè ad imperium vtatur, viresque omnes ad scopum vnum intendat. Quòd si quis roget, quod nam caput ad feliciter imperandum appositissimum videatur; responderi posset; illud à sapientibus interpotissima reponi, quod ex humilitate, ac mansuetudine conflatur: Cùm enim is felicissimè omnium gubernet, qui animis imperat, perspectumq. sit, gu-

bernatores humiles ac mites animis vltro se subdētibus dominari; efficitur profectò, vt caput ex ijs duabus eximijs virtutibus coagmentatum ad regendos secundis euentibus homines opportunissimum sit.

§. XI.

S Vppetit efficax ratio : Cùm enim, qui præsidet, superbus ac iracundus est, territat subditos, qui homines cùm sint, humaniter tractari expetunt: eoq. ipso, quòd gubernatorem sese efferentem, & irascentem conspiciantur, refugiunt, ac reniuntur, vt si aliqua reddant obsequia, coactis tributorum reensoribus simillimi sint, à quibus pecunia non tam redditur, quàm extorquetur. E contra-

rio verò, vbi, qui præest, velut æqualis inter ceteros versari, mollibusq. responsis vti capit, animos mirificè capit, atque delectat: nihil in eo exosum, nihil asperum deprehenditur, quod natura detrectet, multaq. cernuntur, quæ facile probantur, & placent. Qui enim animo demisso ac miti est, ceteros non exagitat, non vexat, sed honore afficit, consentit, cedit: ex quo efficitur, vt subditi animaduertentes habere se gubernatorem non capitibus eorum incumbentem, sed (vt ita dicamus) succumbentem, honorem deferentem, facilem, ac suauē; mitescant ipsi, cedantq. ex animo, quod laudatissimum subiectionis genus est.

§. XII.

Quinetiam & ij, qui minimè præfunt, si humiles ac mites sint, ijs cum quibus versantur, quoddamodò imperant, habentq. multos spontaneos obsequiorum redditores, interim dum ipsi alijs obsequi, & subesse cupiunt. Experimentis quippe quotidianis liquet non in monachorum claustris tantum, sed in ipsa curia, eum, qui humilitatis, & mansuetudinis laude præcellit, ab omnibus certim honorari, beneficijs augeri, neminem illi inuidere, familiaritatem ipsius ab omnibus expeti, atque requiri: quod nihil est aliud, quàm aliorum animis dominari, imperio minimèque sito, sed delato. Sentiunt scilicet alij vim quandam suauitate

multa delibutam, quæ virorum humilium, mansuetorumq. consuetudine, moribus & verbis, vel à tantî boni ignaris percipitur. Ecquis enim non capiat cōsortio eius, qui nihil molestiæ irrogat, cedit, honorat, subesse potius, quàm præesse optat, subit aliorum onera, & altercari, vel irasci nescit? Si autem qui æqualis est, his moribus præditus aliorum animis imperat, quid non obtinebit, qui cùm præsit, tam suauem moribus eisdem præfecturam gerit? Immensum quippe pondus habet lenitum hoc, & temperatum imperium. Porro si quis dominatu cordium potiri velit, scisciteturq. quam arte id nancisci queat, responsio facta appositæ erit: Humilis ac mitis esto, & imperabis.

S. XIII.

Confirmari sanè potest doctrina hæc clarissimis plurimisq. tum antiquis, tum recentibus exemplis: verùm pauca indicare sufficiet. Porro Moses qui regnum feliciter gessit, vt è textu sacro liquet, fuit vir mitissimus omnium, qui morabantur in terra, seq. ipsum profundissima humilitate adeò despexit, vt, vel præcipiente ipso Deo, ægrè adduci potuerit ad legationem coram Pharaone obeundam, quippe qui se inertem, & nullius momenti hominem censeret. Daud quoque, qui ad regnum à Deo cooptatus fuit, ab incredibili manitudine, suiq. contemptu celebratur, quod sacra regum hi-

storia satis euincit . At hæc, &
 innumera alia humilium, mi-
 tiumq. gubernatorum exempla
 conferri nequeunt, cum eximie
 illo regis regum Iesu Christi
 exemplo, qui cum nosset mor-
 talium ingenia, regnum suum
 non apparatu militari, aut opi-
 bus, & potentia iactantia, sed
 humilitate ac mansuetudine
 instruxit, vt rigentes ceruices
 flecteret, ferreaq. corda mol-
 laret . Cuius certè veritatis
 testis locuples fuit dies il-
 le, quo Ierosolymam ingressus
 mirabili acclamatione populi
 exceptus fuit, tanquam Rex
 Sion mitissimus, & corde hu-
 millimus, cui capitalium
 inimicorum feritas tunc præ-
 sertim irritata, & coniurata
 succubuit, vt nosset vniuersi
 reges, ac præfecti, quas vires

humilitas & mansuetudo ad regendos animos haberet.

§. XIV.

Verum supremus triumphus, quem egit è cruce pendens rem hanc efficacissimè confirmat. Rogo enim, quis nam status ad imperandum importunior, quàm crucifixi, publica scilicet sententia patibulo addicti hominis, quem velut infamem, contèptuq. dignissimum horrere mos erat? Profectò nullus status, nullum tempus, occasio nulla excogitari posse videtur adeò inepta regno, quàm conditio hominis aduersante mundo è medio sublatis: & tamen,

Regnavit à ligno Deus.

Nimirum quia non cœli, & pc. 95.

elementa commota solum, non
petræ tantum scissæ sunt, sed
corda petris duriora mitissimo
Agnos Dei collum subdidere,
& Christianæ humilitatis, ac
mansuetudinis imperio conces-
sere. Non abs re, licet mundus
aliud opinaretur, Crux Chri-
sti hoc inscriptum, quasi coro-
nidem accepit: Rex Iudæorum:
etsi enim neque Iudæi illi, qui
tunc insaniebant, neque Pila-
tus regnum Christi nossent, re-
tamen vera sub verbis illis al-
tus latet sensus Christi man-
suetudine sua Iudæis imperan-
tis, regno quodā altiore, quod
mundus minimè nouit. Norūt
tamē contemptores mundi, qui
iam Imperatorum, Regum, &
nobilissimæ partis orbis terra-
rum colla à Christo Crucifixo
subiugata conspiciunt.

§. XV.

SI ergo efficacissimis rationibus, & illustrissimis exemplis compertum est, gubernatores mites ac humiles feliciter præesse; nemo miretur, singulari observatione me humilitatem, ac mansuetudinem gubernatoribus commendasse. Etsi enim prudentiam, iustitiam, aliasq. virtutes proferre possē, quæ videntur regimini aptiores; non absque consilio hæc commendatæ, illæ prætermissæ sunt, cum exhortatio nostra peculiari intuitu ad persuadendum perfectū imperij modum, qui in animis flectendis consistit, destinetur. Omnia igitur, quæ hoc libro tradidimus prudentiæ, iustitiæ, aliarumq. vir-

tutum capita obseruanda, sed ad victoriam animorum humilitas & mansuetudo accuratissime colenda.

S. XVI.

VNiuerse autem studendum est ijs omnibus, quæ ad piã prudentemq. gubernationem, utcumq. conducunt, ut subiectus populus, vel familia ad percurrendam salutis æternæ viam fiat alacrior. Mundi occasus imminet, gloria orbis terrarum concidit, opulentia deficit: sola Christi virtus eclipsim non patitur. Quid ergo moramur? Quid prodest mundi felicitas æterno dolore repësanda? Quid cogitat gubernator insipiens, qui potentia ad explendam bonorum caducorum fa-

mem abutitur? Millenos eiusmodi homines tartarus absorpsit, qui licet serò, vidēt tamen modò, quàm grauitèr peccarint, quorum interitus cautioni proponitur: & tamen à paucis tragædia hæc tremenda perpenditur. Plurimi imperatores, reges, prætores, prælati, quorum nomen fuit marmoribus insculptum, & ab historicis celebratum, perpetuo inferorum carcere torquentur: & vix ab vno vel altero tam funestus casus reëolitur. Placeat ergo illud diuini vatis monitum:

*Et nunc reges intelligite: Ps. 20.
erudimini, qui iudicatis terram.*

*Seruite Domino in timore: &
exultate ei cum tremore.*

*Apprehendite disciplinam, ne
quando irascatur Dominus: &
pereatis de via iusta.*

Oraculum est, quod utinam
gubernatorum animis hæreat,
ut timoris Dei freno
coërciti coëptum
pietatis iter
fine
defectione con-
ficient.

FINIS.

Aφ1 1454895